

新刊醫林狀元壽世保元

新刊醫林別元壽世保元丁集卷之四

太醫院吏目金谿雲林龔廷賢子才著

龔廷賢 龔安國 龔全校

南瀛大學生董印周文卿校刊

補益

脉法氣虛脉細或緩而無力。右手弱血虛脉大或數而無力。左手弱陽虛。脉遲陰虛脉弦真氣虛脉緊男子久病氣口脉弱則死強則生。女人病久入迎強則生弱則死。

夫人之正氣不足曰虛。復從者然曰損。致病之因有六焉。一曰氣。二曰血。三曰精。四曰神。五曰胃氣。六曰七情。憂鬱六氣委和則各司其職。曰無病。失養違和陰陽偏勝。剋則諸病生焉。夫氣乃肺之主。血乃肝藏之。

精乃腎主之神。乃心之主。飲食乃脾胃之主。七情則七神主之。凡應事
大繁則傷神。喋談朗誦。飢而言多。則傷氣。縱慾想思。則傷精。久視怒怒
則傷肝。飲食勞倦。則傷脾。久行傷筋。久坐傷肉。此五勞七傷
之屬也。其有宣賦素薄之人。又兼斷喪太早者。其陰根本受虧。腎水一
虧。則火必勝。火則剋肺。金肺主皮毛。則腠理不密。鼻不聞香臭。火炎痰
升。而致咳嗽。甚致腎水枯竭。肺子能令母虛是也。金水既病。則五臟六
腑皆為火賊。此火乃內出之火。宜補精血。而火自退。當服五仁斑龍膠
丸。培復精神之聖藥也。夫鹿者得先天氣質之厚。又食靈苗之精。故曰
壽牲。角乃眾體之首。一身精華所聚者也。方名五仁者。黃精參杞之類
是也。男婦虛弱之病。服之以復真元。非此不能。故斑龍膠丸為血肉上
品之良劑。善斡旋心腎。實填五內。益精神。充氣血。滋益於一身。兼以參
杞門冬。鮮地骨皮等為佐。配以八物湯。如乾嗽痰中見血者。加二門冬
牡丹知母五味製極其却病延年之功。誠在斯矣。世俗補陰丸以知母

黃柏爲主者。但可施於壯盛人。縱慾相火之多者。可矣。若虛損精血不足之症。已成者。及五十歲。則元陽精氣何由而生。又人輒以人參肺熱。還傷肺之說。將人參爲虛損人之忌物者。蓋不究心於本草經耳。參本味甘微寒。善補五臟。安精神。健脾胃。生津液。況素問言虛者。治以甘溫。乃萬世不易之定論也。彼何期後學。泥近書所註。肺熱還傷肺之句。惑焉。則可說壯人患內外感。并積熱固結於膈。宜清涼滌道。言之若槩。以重損虛火痰嗽。及氣虛中滿者。妄議人參爲不可用。是惑世誣人。陷於不韋甚矣。

○一論元氣虧損。脾胃虛弱。飲食少進。或肢體腫脹。或大便不實。澀瘦面黃。或胸膈虛痞。痰嗽吞酸等症。

四君子湯

人參

白朮 去蘆

白茯苓 去皮 各二錢
甘草 炙 一錢

右剉丁劑。薑棗煎服。○加陳皮名異功散。○加半夏陳皮名六君子湯。

○去茯苓加乾薑名理中湯

○一論心血虧損肝脾腎血虛發熱或肺熱甚頭目不清或煩燥不寐胸膈作脹或脇作痛等症

四物湯

當歸酒洗

懷熟地黃各三錢

白芍酒炒二錢

川芎一分錢五

右剉丁劑水煎溫服

○一論氣血虛弱惡寒發熱煩燥作渴或不時寒熱眩暈昏曠或大便不實小便赤淋或飲食少思小腹脹痛等症宜用八物湯又名

八珍湯即四君子湯合四物湯是也

○一論凡人元氣素弱或因起居失宜或因飲食勞倦或因用心太過致遺精白濁盜汗自汗或內熱肺熱潮熱發熱或口乾作渴喉痛舌裂或胸乳膨脹脇肋作痛或頭頸時痛眩暈眼花或心神不寧搖而不寐或小便赤澀莖中作痛或便溺餘瀝臍腹陰冷或形容不克肢體畏寒或

鼻氣急促或更有丁切熱症耳聾無不虛火宜服後方

十全大補湯

人參 去蘆

白朮 去蘆

白茯苓 去皮 當歸 酒洗

川芎

白芍 酒炒

熟地黃

黃芪 蜜炒

肉桂

麥門冬 去心

五味子

甘草 炙

右剉散生薑棗子水煎溫服

○一論老年房有少艾致頭痛發熱眩暈喘急痰涎壅盛小便頻數口乾引飲遍吾生刺縮故如荔枝然下唇黑裂面目俱赤煩燥不寐或時咳間如烟火上冲急飲涼茶少解已瀕於死脉洪大而無倫且有力捫其身烙手此腎經虛火遊行於外投以十全大補湯如山茱澤瀉丹皮山藥麥門冬五味附子水煎服熟練良久脉症各減三四再與八味丸服之而愈

○一論中氣不足肢體倦怠口乾發熱飲食無味或飲食失節勞傷身熱

脉洪大而虛。或頭痛惡寒。自汗。或氣高而喘。身熱而煩。或脉微細軟弱。自汗體倦。少食。或中氣虛弱。而不能攝血。或飲食勞倦。而患痲痢。或痲痢因脾胃虛。而不能愈。或元氣虛弱。感冒風寒。不勝發表。宜用此代之。或入房而後感冒。或感冒而後入房。亦用此湯。急加附子。或渴痢腹痛。急用附子理中湯。此方能治一切諸病。誤用攻擊之藥。太過。以致元氣脾胃虛損之極。病已垂殆。用之。實有起死回生之效。宜此。

補中益氣湯 方見內傷

○一論經云。壯水之劑。以制陽光。夫人之生。以腎為主。人之病。多由腎虛。而致者。此方乃天一生水之劑。無不可用。若腎虛發熱。作渴。小便淋閉。痰壅。朱音。咳嗽吐血。頭目眩暈。眼花耳聾。咽喉燥痛。口舌瘡裂。齒不堅固。腰腿痿軟。五臟虧損。自汗盜汗。便血諸血。凡肝經不足之症。尤宜用之。蓋水能生木。故也。此水化為痰之聖藥。血虛發熱之神劑。又治腎精血不足。虛熱不能起床。加大附子肉桂各二兩名。八味丸。又治腎陰。

虛弱津液不降。敗濁為痰。能治欬逆。又治小便不禁。收精氣之虛。脫為養氣滋腎。制火導水。使機關利。而脾土健實。宜此。

六味地黃丸

懷生地黃

八兩要真。按後生。取地黃。酒洗淨。入砂鍋內。蒸黑。為度。入後藥。同搗。成餅。今市。竟無地黃。皆是用。鐵。煮。過者。不可用。

山茱萸

酒蒸。剝去核。取肉。晒乾。四兩。

懷山藥

四兩。白茯苓。三兩。

牡丹皮

去骨。澤瀉。三兩。

右忌鐵器。將藥精製。秤為一處。入石臼內。搗成餅。晒乾。或微火焙乾。或碓杵。或石磨。為細末。煉熟蜜。一斤。加水一磅。和為丸。如梧子大。晒乾。磁器收貯。每服三錢。空心。鹽湯酒。任下。忌辛白。○腎水不能。稱養。脾土多。吐痰。唾。薑湯下。○麥門。五味名。八仙長壽丸。○腰痛。加鹿茸。木瓜。續斷。○消渴。加五味子。○諸淋瀝。倍茯苓。澤瀉。○老人夜多小便。加益智仁。去澤瀉。減茯苓。一半。○老人下元虛冷。胞轉不得。小便。膨急。切。補。四。五。

日困驚聖危者培澤瀉遺精去澤瀉○虛火耳聾加黃柏知母遠志石
 菖蒲○小兒遺尿加破故布益智仁人參肉桂○小兒鶴節加鹿茸牛
 膝人參○小兒解顛頭縫開解不合也加人參○小兒稟賦腎經虛熱
 耳內生瘡或肌肉消瘦骨節皆露名節疳加鹿茸牛膝各一兩五味子
 四兩若願解不合牙齒不生眼睛不黑腿軟難行最宜此藥
 ○一論大補元氣培填虛損之聖藥也即六味地黃丸依本方再加五子
 是也

五子益腎養心丸

甘枸杞子 四兩 栢子仁 二兩 覆盆子 二兩 楮實子 炒 二兩

沙苑蒺藜子 微炒 二兩

右共十一味為細末用蜜八兩入斑龍膠先煉次入浮小麥粉四兩蒸
 實粉四兩水調亦入膠蜜同煉熟和藥再杵干餘下丸如梧桐子大每
 日服百丸淡盪湯下

○一論腎虛不能制火。六味地黃丸主之。○腎非獨水也。命門之火並焉。腎不虛則水足以制火。虛則火無所制。而熱証生矣。名之曰陰虛火動。河間氏所謂腎虛則熱是也。令以足心熱、陰股熱、腰脊痛、率是此証者。人得之爲順。少年得之爲逆。乃咳血之漸也。地黃茱萸味厚者也。經曰：味厚爲陰中之陰。故能滋少陰。補腎水。澤瀉味甘鹹。寒。甘從土化。鹹從水化。寒從陰化。故能入水。裁而瀉水中之火。丹皮氣寒味苦辛。寒能勝熱。苦能入血。辛能生木。故能益少陰。平虛熱。山藥茯苓味甘者也。甘從土化。土能防水。故用之以制水。裁之邪。且益脾胃而培萬物之母也。

○一論腎虛移熱於肺。咳嗽者。六味地黃丸主之。○有足心熱、內股熱、腰痛、兩尺脈虛大者。病原於腎虛也。地黃茱萸味厚者也。味厚爲陰中之陰。故能益腎。腎者水藏。虛則水邪歸之。故用山藥茯苓以利水邪。水邪歸之則生濕熱。故用澤瀉丹皮以導坎中之熱。滋其陰血。去其邪熱。則精日生。而腎不虛。病根既去。咳嗽自瘳矣。

○一論下消者煩渴引飲小便如膏六味地黄丸主之。○先有消渴善飲而後小便如膏者名曰下消懼其燥熱漸深將無水矣故用此方以救腎水地黄藥質潤味厚為陰中之陰故可以滋少陰之腎水丹皮澤瀉取其酸寒能制陽光山藥茯苓取其甘淡能療膏渴。

○一論渴而未消者八味丸主之。○此即六味地黄丸加附子肉桂也渴而未消謂其人多渴喜得茶飲不若消渴之求飲無厭也此為心腎不交水不足以濟火故令汗液口乾乃是陰無陽而不升陽無陰而不降水下火上不相既濟耳故用肉桂附子之辛熱壯其少火用六味丸益其真陰真陰益則陽可降少火壯則陰自升故竈底加薪枯龍濟海猶未得雨至意維新惟明者知之昧者鮮不以為迂也昔漢武帝病渴張仲景為處此方至聖玄關今猶可想。

○一論腎間水火既虛小便不調者八味丸主之。○腎主水火主二便而司開腎間之水竭則火獨治能閔而不能開矣火病小便不出腎間之

火息則水獨治能開不能關。人小便不禁是方也。以附子肉桂之溫熱益其火。以地黃葉萸之濡潤壯其水。火欲實則丹皮澤瀉之鹹酸者可以收而瀉之。水欲實則茯苓山藥之甘淡者可以制而滲之。水火既濟則開關治矣。

○一論腎間水火俱虛者。八味丸主之。○君手觀象於坎而知腎俱水火之道焉。故曰七節之旁中有小心。小心少火也。又曰腎有兩枚。左為腎右為命門。命門相火也。相火即少火耶。夫一陽居下二陰為坎水。火竝而為腎。此人生與天地相似也。今人入房感而陽事愈繁者。陰虛火動也。陽事先痿者。命門火衰也。真水竭則陰氣不寒。真火息則感真不熱。故人藥有善藥。何為是方也。地黃葉萸丹皮澤瀉山藥茯苓六味丸也。所以益少陰腎水。桂附辛熱物也。所以益命門相火。水火得其養則二腎復其天矣。

○一論陰虛於下。今人多嘔者。六味丸加鹽湯送下。○諸陽氣浮無所依。

從故喘咳上氣此陰虛於下而孤陽上浮是方也地黃柔黃芩
附味厚可使滋陰丹皮澤瀉氣味酸寒可制陽光山藥茯苓味甘而淡
可使調下

一論腎氣熱則腰脊不舉骨枯而髓減發為骨痿宜六味丸加黃柏知
母主之○腎者水藏無水則火獨治故令腎熱腎主督脉督脉者行于
脊壞腎壞則督脉虛故令腰脊不舉骨枯髓減者枯涸之極也腎主骨
故曰骨痿是方也地黃柔黃芩味厚而能生陰知柏苦寒而能瀉火澤瀉
丹皮能去坎中之熱茯苓山藥能制腎間之邪玉水曰壯水之主以制
陽光此方主之

○一論入房太甚筋縱弛發為陰痿八味丸主之○腎坎象也下陽居
於二陰為坎故腎中有命門之火焉凡人入房甚而陰事作強不已者
水衰而火獨治也陰事柔痿不舉者水衰而火亦敗也丹溪曰天非此
火不足以生萬物人非此火不能以有生奈之何而可以無火乎是方

也。桂附味厚而辛熱，味厚則能入陰，辛熱則能益火，故能入少陰而益命門之火。地黃菜萸味厚而質潤，味厚則能養陰，質潤則能壯水，故能滋少陰而壯坎中之水。火欲實則澤瀉丹皮之鹹酸可以引而瀉之，水欲實則山藥茯苓之甘淡可以滲而剋之。水火得其養則腎官不弱，命門不敗而作強之官，得其職矣。

八味丸治下元冷憊，心火上炎，渴欲飲水不能攝養，多吐痰唾，及治消渴，小便反多，婦人轉胞，小便不通。

○一論腎勞背難，俯仰小便不利，有餘瀝，囊濕生瘡，小腹裏急，便赤黃者，六味地黃丸加黃柏知母主之。○腎者藏精之藏也，若人強力入房，以竭其精，久久則成腎勞，腎主精，精主封填骨髓，腎精以入房而竭，則骨隨是枯矣。故背難俯仰，前陰者腎之竅，腎氣足則能管攝小便而洩溺，惟宜腎氣怯則欲便而不利，既便而有餘瀝，斯之謂矣。其開闔之常也，腎者水藏，傳化失宜，則水氣留之，水氣留之則生濕熱，故令囊濕生瘡。

也。小腹裏急者。此真水枯而真火無制。真水枯則命門之相火無所畏。真火無制故灼勝脫。小腹之筋膜而作裏急也。便赤黃亦真火之所為。地黃茱萸味厚者也。味厚為陰中之陰。故足以補腎門之陰血。山慈茯苓甘淡者也。甘能制濕。淡能滲濕。故足以去腎虛之陰濕。澤瀉丹皮。鹹寒者也。鹹能潤下。寒能勝熱。故足以去腎間之濕熱。黃柏知母。苦潤者也。潤能滋陰。苦能濟火。故足以伏龍雷之相火。夫去其灼陰之火。滋其濟火之水。則腎間之精血自生矣。

○一論氣短有痰。小便赤澀。足根作痛。尺脈浮大。按之則澹。此腎虛而痰飲也。用四物送六味丸而已。

○一論六味地黃丸專補左尺腎水之藥。八味丸既補左尺腎水兼補右腎相火之藥。少年水虧火旺宜服六味丸。老年水火俱虛宜服八味丸。况老年腎臟真水既虛邪水乘之。而為濕熱。以作腰痛足痿痰唾消渴小便不禁淋閉等症。非桂附之溫散而能滋之者乎。

○一論八味丸治下元虛憊。心火上炎。渴欲飲水。或腎水不能攝養。則

痰唾及男子消渴。小便反多。婦人轉胞。小便不通。

○一養生書云。立秋後宜服。張仲景八味丸。治男子虛羸百病。衆病不瘳

者。久服輕身不老。加以種養。則成地仙。

○一論命門火衰不能生土。以致脾胃虛寒。而懸流注。鶴膝等症。不能消

潰收斂。或飲食少思。或食而不化。或臍腹疼痛。夜多漩溺。經云益火之

源。以消陰翳。即此方也。又治婦人脾轉。小便不通。殊効。

八味丸

懷生地黃用酒蒸 山茱萸肉酒蒸 山藥各四兩

白茯苓去皮 牡丹皮 澤瀉各三兩

肉桂用三分厚者去皮方 大附子一兩半重者切四片童便浸火焙乾各二兩

右忌鐵器。共為細末。煉蜜為丸。如梧桐子大。每服八十九空。心滾白米

送下。

○一治腎臟虛弱。面色黧黑。足冷足腫。耳鳴耳聾。肢體羸瘦。足膝軟弱。小便不利。或多或少。腰脊疼痛。用八味丸加鹿茸五味子。名十補丸。

○一論凡有人不耐勞。不能食。冷或飲食脹。未便不實。或口苦常破。如癆服涼藥。愈盛。或盜汗不止。小便頻數。腰腿無力。或喘漉。或呼吸覺冷。入腹。或陰囊濕癢。或手足冷。或面白。或黧黑。或畏寒。短氣。以上諸症。皆虛甚。八味丸主之。此丸用附子有功。夫附子一物。大辛熱。除三焦痼冷。六腑沉寒。氣味勁悍。有回陽之功。命門火衰。非此不補。惟雖有毒。但炮製如法。或用甘草防風同炒。或童便久浸。以去其毒。復以地黃等味。同用以制其熱。潤其燥。緩其急。假其克槌之功。而駕馭其慄悍之勢。則雖久服。亦有功而無害。惟在善用之而已。若執泥有毒。果有沉寒痼冷之疾。棄而不用。其能療乎。觀東垣八味丸論。則較然矣。

○一論諸虛百損。五勞七傷。滋腎水。降心火。補脾土。添精神。益氣和血。壯筋骨。潤肌膚。聰耳明目。開心定智。強陰壯陽。延年益壽。此藥性味溫

而不熱。清而不寒。久服則坎離既濟。陰陽協和。火不炎而神自清。水不

加減神仙既濟丹 尚書劉春岡方

揀參 去蘆 二兩

嫩虎茸 二兩 每炭

山茱萸 酒蒸 去核 二兩

甘枸杞子 二兩 酒洗

嫩黃芪 二兩 蜜水炒

懷山藥 二兩

肉蓯蓉 二兩 酒洗

遼五味子 二兩

川巴戟 水 泡 去 二兩

川牛膝 去蘆 酒 洗 二兩

川杜仲 去皮 酒 炒 二兩

白茯苓 去皮 本 二兩

遠志 甘草 心 水 泡 二兩

石菖蒲 去毛 二兩

小茴香 搗 酒 炒 二兩

懷生地黃 酒 洗 二兩

懷熟地黃 酒 蒸 二兩

麥門冬 去心 二兩

天門冬 去心 二兩

兔絲子 酒 蒸 搗 餅 二兩

當歸身 酒 洗 二兩

川黃柏 酒 炒 二兩

知母 去毛 二兩

栢子仁 二兩

右為細末。煉蜜和熟棗肉為丸。如梧子大。每服百丸。空心鹽湯送下。或

酒任下。忌三百。

○一論此方主滋養肝腎補益心血利足腰實肌膚悅顏色真衛生之良藥也。

歸茸丸

懷熟地黃酒蒸四兩

懷山藥酒浸二兩

山茱萸酒蒸去核二兩

白茯苓去皮一兩

牡丹皮一兩

澤瀉一兩

當歸酒洗二兩

嫩鹿茸酥炙四兩

遼五味子四兩

懷牛膝去蘆酒洗二兩

官桂二兩

大附子炮去皮二兩

右為細末鹿角膠半斤酒打稀糊為丸如梧桐子大每服五十九空心

鹽湯溫酒任下

○一論五仁斑龍膠專治真陽元精內之以致胃氣弱下焦虛憊及夢泄自汗頭眩四肢無力此膠能生精養血益智寧神順暢三焦培璜五臟補心腎美顏色却病延年乃虛損中之聖藥也。

五仁斑龍膠法

鹿角連腦蓋骨者佳自解者不用去蓋蓋生淨五十兩截作三寸段
新汲淡泉并水浸洗去垢吹去角內血腥穢水盪同入參五兩天門
冬去心皮五兩麥門冬去心五兩甘枸杞子八兩去蒂川牛膝去蘆
五兩五品藥以角入淨鍋內注水至罈肩用箬殼油紙封固罈口太
鍋內注水文武火煑煮三晝夜足時常加入沸湯於鍋內以補乾耗
取出瀝去渣將汁復入潤口砂鍋內熬成膠聽用和藥末其角去外
麋皮淨者為末名鹿角霜也

仙傳斑龍丸 滋補中之聖藥

鹿角霜

鹿角膠

栢子仁另研

兔絲子酒製

懷生地黃

酒蒸下日五

右為末先將鹿角膠磁器內慢火化開却將膠酒填糊和藥杵一杵下
九如栢桐子大每服五十九粒淡鹽湯下酒亦可
昔有一道人貨此藥散曰尾問不禁滄海竭九轉神丹俱慢說惟有斑

龍頂上珠能補玉堂閣下血此藥理百病養五臟補精髓壯筋骨益心志安魂魄令人悅澤駐顏輕身延年益壽久服成地仙
 長生固本酒

人參

甘枸杞子

懷山藥

遼五味子

天門冬

水潤

麥門冬

水潤

懷生地黃

懷熟地黃

各二兩

右剉片用生絹盛之煮酒三十斤以箬封罈口放鍋內水貫罈水不過罈口以米百粒放箬上候氣薰蒸米熟住火埋土出火毒飲之此藥甚平和治勞疾補虛弱烏鬚髮久服面如童子忌蘿蔔蒜食之與地黃相反令人易白髮以麵不息亦忌菜早飯

○一論仙家酒大能益心氣補腦髓治消渴勞怯及風火症老人尤宜煉
 年幼壯盛潔淨無病婦人乳每用一吸即以指塞鼻孔撲唇貼兩而漱
 乳與口津相和然後以鼻內引上吸使氣由明堂入腦方可徐徐嚙
 片五七次為一度不漱而服者何異飲酪于腸胃兩

○一論治諸虛百損五勞七傷用木乳一盞好酒半盞入銀鍍或錫鍍內湯浸每五更服。

○又方甘室人經血或首經最佳以棉帛收之陰乾入乳香末少許乳汁和丸如櫻桃大每食下粒取女人氣下口乳汁送下。

○一論主壯元陽益真氣助胃潤肺宜。

補精膏

牛髓四兩 搗去粗

胡桃肉四兩 去皮

杏仁四兩 去皮

山藥薑汁拌蒸熟 去皮八兩

人參四兩

紅棗肉四兩 去皮核

右將杏仁胡桃肉山藥棗子四味搗為膏用蜜一斤煉去白沫與牛髓同和勻入磁罐內重湯煮一日空心以干匙用酒或白湯化服。

呂洞賓補屋修牆養生訣

少年豪氣徒前為豈料中年力弱虧休將藥餌調真息自有元陽養氣壯君子小人莫知陰陽相攝之妙幼年之人精強力壯不顧身形損食味

樂人鴻為美不知老之將至百病來侵益因幼年骨脈未堅父母愚家
 早娶妻室或因幼失父母任意調薄醉飽行房以致口舌舌乾虛熱盜
 汗諸症候染無藥治恭昌公留下秘訣用人參不拘多少功將水同
 煮候熟取起陰乾選小雌雞二三隻每日將米喂養待雞生卵每日食
 三五七箇不過百日之內大有功效形容嬌美返本還元若有烏雞更
 好如用雄雞同食此參生抱小雞日往月來其功不可具述

○一論治傷寒汗吐下後及行倒倉法吐下後與諸病誤用攻擊之過以
 致元氣耗傷用此補之韓飛霞曰人參煉膏回元氣於無向有之帝王
 道也又肺虛嗽亦宜以人參膏補之如肺虛兼有火邪者人參膏與天門
 冬膏對服之妙

人參膏

人參去蘆不拘多少切片入砂鍋內淨水文武火熬乾一半傾放瓶
 內將渣又煎又如前併之於瓶九熬三次驗參渣嚼無味乃止却將

三次所煎之汁，瀝去渣，仍入砂鍋內，文武火慢慢熬成膏，如入參一斤，只好熬成一碗足矣。及成膏，入碗隔宿，必有清水浮上，亦宜去之，只留稠膏，每服一匙，是消米湯，下口漱下。

白木膏

白木要好雪白者，去蘆油不用淨，一斤入砂鍋，水熬三次，取汁瀝去渣，入砂鍋內，文武火慢慢熬至三碗，入蜜四兩，又熬成膏，入磁罐收貯封固。土埋七日，出火毒，取出，每服四五匙，不拘米湯調服，善補脾胃，進飲食，生肌肉，除濕化痰，止泄瀉。

茯苓膏

大白茯苓堅硬，不拘多少，去黑皮，為細末，用水漂洗淨者，潔時先令少用水，如和麪之狀，令藥濕，方入水漂洗，取下沉者，以淨布紐去水，晒乾再為末，再漂再晒，凡三次，復為細末，每末一斤，拌好白蜜二斤，令勻，貯長磁瓶內，緜皮封口，置鍋內，桑柴火懸脂者，盡下口抵脫連。

瓶生埋五穀內。次早倒出。以舊在上者。裝瓶下。舊在下者。裝瓶上。再
 煮。再以五穀內。凡三日夜。次早取出。埋淨土中。七日。出火毒。早晚
 用三四匙。嚼嚙。少時。以白湯下。補虛弱。治瘰癧。殊效。

延壽丹

用白茯苓十斤。淨鍋內。煮一夜。晒一日。去皮切片。拌蜂蜜二斤。蒸三
 炷香。晒乾。再加蜜。再蒸。再晒。如是三次。為細末。煉蜜為丸。如梧子大。
 每服三五十九。溫水送下。久服。大補。殊效。

地黃膏

真懷慶大生地黃一斤。酒洗令淨。加麥門冬去心四兩。貯砂鍋內。入
 水。熬乾。下半。傾入磁盆內。又入水。又熬。凡三次。將汁濾去渣。將汁用
 文武火。慢慢熬。至三碗。入蜜四兩。又熬。成膏。入磁罐內。封固。入土。埋
 出火毒。取出。每服一三匙。空心白湯服。能補腎水。真陰。填精。補髓。
 生血。為奇。

枸杞膏

甘枸杞一斤放砂鍋內入水熬十餘沸用細絹羅濾過將渣搗取汁淨如前再入水熬濕取汁三次去渣不用將汁再濾入砂鍋再慢火熬成膏入磁器內不可泄氣不論男婦每早晚用酒調服能生精補元氣益榮衛生血悅顏色大補諸虛百損延年益壽

○一論此膏能鎮玉池存精固漏通二十四道血脈鎖三十六道骨節主一身之毛竅貼之血脈流暢龜健不衰精氣充足精神百倍之功壯陽助氣返老還童固下元通透三關乃遂行之道老人貼之夜無小使太人精不泄補益虛損延年益壽至珍至寶又治男下元虛冷小腸補氣痞疾單腹脹滿并下切腰腿骨節疼痛半身不遂貼三百神效婦人子宮久冷赤白帶下久不坐胎產後戰腸虛貼之三百神效

千金封臍膏 內閣秘傳

天門冬

生地黃

熟地黃

木鼈子

大附子

杏仁 蛇床子 遠志 牛膝 肉蓯蓉

官桂 兔絲子 肉豆蔻 虎骨 鹿茸

麥門冬 紫梢花 各二錢

右為末入油一斤四兩文武火熬黑色去渣澄清入黃丹半斤水飛過
松香四兩熬用槐柳條攪滴水不散為度再下硫黃雄黃朱砂赤石脂
龍骨各二錢為末入內除此不用見火將藥微冷定再下臘胸臍一副
阿芙蓉蟾酥各三錢麝香一錢不見火陽起石沉香木香各三錢俱不
見火

右為細末入內待藥冷下蒲蠟六錢放磁器內盛之封口放水巾浸三
日去火毒取出攤羅子上或紅絹上亦可貼之六七日方無力再換
下方加乳香沒藥母丁香此方其效如神不可盡述宜謹戒藥料十金
與人靈寶不可輕授

謂曰

靈龜衰弱最難全
常時貼上返童顏
雖然不到天仙位

好把太書仔細看
金龜出入超凡聖
却向人間作地仙

助老精神還少貌
接補殘軀越少年

太和丸

飲食勞役

所關非細

飲食失節

損傷脾胃

勞役過度

耗散元氣

脾胃損傷

元氣衰劇

乃成內傷

諸病難治

保合太和

預防惡慮

大補諸虛

專進飲食

清皮降火

解鬱消滯

養氣健脾

王道之劑

不問老幼

男女通治

白木

去油 炒四兩

白茯苓

去皮 二兩

懷山藥

二兩

蓮肉

去心皮 二兩

當歸身

酒洗 四兩

白芍藥

酒炒 二兩

陳皮

一兩

生薑

湯洗切片 一兩

川黃連

酒炒 一兩

片根實

酒炒 一兩

山查

去子 一兩

神麩

炒一兩

香附

童便炒 一兩

木香

五錢

龍眼肉

一兩

甘草

炙五錢

方上二下二

人參五錢

嫩黃耆蜜水炒 白豆蔻去殼 五錢

右為細末，荷葉如掌大者煎湯下，陳倉米半鐘，煮為粥，和為丸。如梧桐子大，每服百丸，食後臥，米湯送下。年幼氣壯者去參芪。

坎離丸

○治燈燈讀書苦學，問易忘。士大夫勤政勞心，精神昏倦，妙不可言。

思慮房慾

人為所累

思慮過度

心血耗費

房慾失節

腎水枯涸

腎水一虛

心火自熾

釀成勞瘵

難症難治

防其未然

坎離既濟

補髓添精

調榮養衛

聰耳明目

安神定智

滋陰降火

百病皆治

且誦千言

不忘所記

龍骨火煨

龜甲酥炙

遠志甘草水泡

白茯苓去皮

酸棗仁炒

石菖蒲去毛

當歸身酒洗

麥門冬水潤

天門冬水潤

生地黄酒洗

熟地黄酒洗

人參五錢

山茱萸酒蒸去核一兩 五味子 一兩 山藥 一兩 川黃栢去皮酒

知母去毛酒炒一兩 甘枸杞子 一兩 栢子仁 一兩

右忌鐵器精製合為一處石臼內搗成餅晒乾磨為細末煉蜜酒水或
珠每蜜一斤加水一丸調和煎藥為丸如栢相子大每服三錢候空
心益湯或酒任下節意三百

長春不老仙丹

治諸虛百損五勞七傷滋腎水養心血添精髓壯筋骨扶元陽潤肌膚
聰耳明目寧心益智烏鬚黑髮固齒寧牙返老還童延年益壽壯陽種
子却病輕身長生不老真陸地神仙

仙茅酒浸洗四兩 黃精酒蒸四兩

赤何首烏米泔浸洗三日夜 大

大懷熟地黃酒蒸三日 白何首烏同上製

大懷生地黃酒洗淨 天門冬水潤去

麥明冬心二兩

白茯苓去皮入乳浸三次二兩 巨勝子二兩

甘枸杞子二兩

遠五味子二兩

兔絲子酒洗淨入砂炒酒炒

覆盆子二兩

補骨脂酒炒

揀參二兩

嫩鹿茸酥炙

川杜仲去皮酒炒

懷牛膝去蘆酒洗

當歸身酒洗

川巴戟水泡去心

肉苁蓉酒洗

鎖陽酥炙

遠志甘草水泡去心

青鹽二兩

栢子仁二兩

小茴香鹽酒炒

川草薢酒洗

懷山藥二兩

山茱萸酒蒸去核

川椒去目炒

陰虛火動素有熱者加川黃精酒炒 知母酒炒 各二兩

紫河車一具 用壯盛婦人首生男胎以米泔水洗淨

右已錄器用黃道吉日精製秤和下處石內 內搗成餅晒乾磨為細末

用煉麩為丸如梧桐子大每服三錢空心好酒送下忌三白如極虛用

後水仙斑龍膠化為冠乃補益天下第一方也
八仙斑龍膠

人參

天門冬 去心

麥門冬 去心

懷生地

懷熟地

同上

懷牛膝

去蘆

甘枸杞子

赤何首烏

白何首烏

各八兩 比上

老鹿茸

去毛 截寸長 燒酒洗淨 年上兩

右將藥均入大砂鍋內熬汁五次將渣濾淨再熬至五碗時成膠矣

服法每匙二三匙好酒調化空心服或酒化膠為前九便佳

萬病無憂酒

常服能除百病理風濕為搖筋清心明目利腰腎健腰膝補精髓
撲損傷筋骨和五臟平六腑快脾胃進飲食補虛弱養氣血

當歸五錢

台芎五錢

白芷五錢

白芍一兩

防風七錢半

荆芥穗五錢

羌活一兩

地骨皮五錢

壽世保元

一 月 元

牛膝五錢

杜仲炒一兩

木瓜五錢

大茴香五錢

破故布一兩

五加皮一兩五錢

威靈仙一兩

釣藤一兩

石楠藤一兩

烏藥五錢

紫金皮一兩五錢

自然銅火煅四錢

木香

乳香

沒藥

甘草炙各五錢

雄黑豆二兩

右共二十五味和勻。用絹布為囊盛之。無灰酒一大罈入囊。在肉春秋五日。夏三日。冬十日。後取酒溫飲之。或晨昏午後隨量飲之。大能去風活血。養神理氣。其味又佳。如飲一半。再加好酒浸。候極妙。延壽藥。春又名神仙延壽酒。周藩宗正西亭傳。黃仙方也。

天門冬去心一兩

破故布一兩

肉蓯蓉炙一兩

牛膝去蘆一兩

杜仲炒一兩

川椒去目一兩

大附子水浸五錢

粉草一兩

已上八味為末。入麩內。同和糜。

淫羊霍

一片米泔水浸仙靈牌各名

羯羊脂

一片拌淫羊霍沙黑色

頭紅花

一斤為斷當歸 四兩

白芍 一兩

生地黃 二兩

熟地黃

二兩 白茯苓 四兩

蒼朮 炒 四兩

甘菊花 五錢

五加皮

四兩 地骨皮 四兩

已上十二味剉咀片絹袋盛貯鋪缸裏

縮砂蜜 五錢

白豆蔻 五錢

木香 五錢

丁香 五錢

已上四味後用煮酒為末用

右藥二十四味共五斤四兩用糯米二斗淘淨浸一日夜又淘一次蒸作糜取出候冷用細麴米四斤同天門冬等八味和勻却將淫羊霍等十二味煎於粗絹袋置缸底將前糜拍碎于其上然後投上品燒酒四十斤封固一七日榨出澄清方入礬加砂仁等四味封固重湯煮三炷香埋玉匣于白以出火毒每日量飲數杯一七日百骸通暢身壯體丹田微瘳痿陽立興切忌醇酒飽食行房只待氣血和平緩行無禁久純熟自然身輕力健百病不生若男婦俱服兩病和合丁度成胎功

効多端未可名狀珍之重之

○一論長春酒大補氣血壯筋骨和脾胃寬胸膈進飲食祛痰涎行滯氣消酒食除寒濕等症

長春酒方 尚書劉三川傳

黃芪蜜炒

人參

白朮去蘆

白茯苓去皮 當歸

川芎

白芍

熟地黃

官桂

橘紅

南星姜炒

半夏姜炒

蒼朮米泔浸

厚朴姜炒

砂仁

草果仁

青皮去穢

檳榔

丁香

木香

沉香

藿香

木瓜

石斛

五味子

杜仲

白豆蔻

薏苡仁

批把葉

桑白皮蜜炙

神麩炒

麥芽炒

甘草炙

右各件製了淨秤三錢等分作二十包每用一包以生絹袋盛浸一斗酒內春七夏三秋五冬十日每日清晨一杯甚有功效

呼吸靜功妙訣

人生以氣為本，以息為元。以心為根，以腎為蒂。天地相去八萬四千里，人心腎相去八寸四分。此腎是內腎，臍下一寸三分是也。中有一脉以通元息之浮沉，息總百脉。一呼則百脉皆開，一吸則百脉皆閉。天地化而流行，亦不出呼吸二字。入呼吸常在於心腎之間，則血氣自順，元氣自固。七情不熾，百病不治，自消矣。

每子午卯酉時於靜室中，厚褥鋪於榻上，盤脚大坐，腹自視臍，以綿塞耳心，絕念慮，以意隨呼吸。一往一來，上下於心腎之間，勿亟勿徐，任其自然。坐一炷香後，覺得口鼻之氣不麤，漸漸和柔。又一炷香後，覺得口鼻之氣似無出入，然後緩緩伸脚，開目去耳塞，下榻行數步，又偃臥榻上。少睡片時，起來啜淡粥半碗，不可作勞惱怒，以損靜功。每日能如此依法行之，兩月之後，自見功效。

不煉金丹

且吞玉液呼出臟腑之毒。採天地之清。太上玉軸六字氣訣。道藏有
三軸經言。五臟六腑之氣。因五炷薰灼不和。又六欲七情。積久生疾。內
傷臟腑。外攻九竅。以致百骸受病。輕則痼癖。甚則官廢。又重則喪亡。故
太上憫之。以六字氣訣。治五臟六腑之病。其法以呼字。而自瀉出臟腑
之毒氣。以吸而自採天地之清氣。以補之。當日小驗。旬日大驗。年復滿
病不生。延年益壽。衛生之寶。非久勿傳。呼有六曰。呵呼咽嘘嘻吹也。吸
則一而已。呼有六者。以呵字治心氣。以呼字治脾氣。以咽字治肺氣。以
嘘字治肝氣。以嘻字治膽氣。以吹字治腎氣。此六字氣訣。分主五臟六
腑也。凡天地之氣。自子至巳。為六陽時。自午至亥。為六陰時。如陽時。則
對東方。勿盡閉窗戶。然息風入。乃解帶。正坐。呵齒。二十六以定神。先擾
口中濁津。漱鍊。一十二百下。候口中成清水。即低頭。向左而嚥之。以意送
下。候汨汨至腹間。即低頭。開口。先念呵字。以吐心中毒氣。念時耳不得
聞呵字聲。聞即氣虛。及損心氣也。念畢。仰頭閉口。以鼻徐徐吸天地之

清氣以補心氣。吸時耳亦不得聞。吸氣聞即氣入。亦損心氣也。但呵字
令短吸時令長。即吐少納多也。吸訖即低頭念呵字。耳復不得聞。呵字
聲呵訖。又仰頭以鼻徐徐吸清氣以補心。亦不得聞。吸聲如此。吸者六
次。即心之毒氣漸散。又以天地之清氣補之心之元氣亦漸復矣。耳又
依此式念呼字。耳亦不得聞。呼聲如此者六。所以散脾毒而補脾元也。
次又念咽字以瀉肺毒。以吸而補脾元。亦須六次。次念噓字以瀉肝毒。
以吸而補肝元。噓以瀉膽毒。吸以補膽元。吹以瀉腎毒。吸以補腎元。如
此者。並各六次。是謂小周。小周者。六六三十六也。三十六而六氣徧臟
腑之毒氣漸消。病根漸除。祖氣漸完矣。次看是何臟腑受病。如肝病。即
又念噓字。一字各十八遍。仍每次以吸補之。總之三十六訖。是為中周。
中周者。第二次。三十六通。為七十二也。次又再依前呵呼咽噓喜吹六
字法。各為六次。並須呼以瀉之。吸以補之。愈當精虔。不可怠廢。此為三
次。三十六也。是為大周。即總之為一百單六次。是謂百八訣也。午時屆

陰時有病即對南方爲之南方屬火所以却陰毒也然又不若子後已
前而東之爲陽時也如早起床上回東將六字各爲六次是爲小周亦
可治眼病也凡眼中諸症惟此訣能去之他病亦然神乎神乎此太上
慈旨也略見玉軸真經而詳則得之師授也如病重者每字作五十次
九三百而六腑周矣乃漱鍊燕液叩齒如初如此者三卽通爲九百次
無病不愈秘之秘之非人勿傳○孫真人云天陰霧惡風猛寒勿取氣
也但閉之

相國袁郡八十八翁介溪記

正德戊寅歲二月中旬一胡僧貌黧而頽者造門請余與之語語不異
常人問其所長自稱善般若余曰般若何奇僧曰人皆噉食多取則飽
僧且無飽弗噉則饑僧且無饑余亦未深信因呼從者延之於別室漫
試之爲糞米三升麩如之糠以幽菽菜蕈諸物僧據按狼食斯須殆盡
時余方治官未服印所以從者問以師飽乎吾以復而主人翫耳曰吾

安得飽居兩日。問以師儼乎。曰：吾安得幾時。遂去。去不可物色。久之。僧復來。踵門語。余曰：余方欲為公嘗一功德。乞十金。齋百僧。公諾之乎。余對曰：十金可辦也。僧因復留與之食。食如前。值有客從海上來者。顧余論金丹。僧閉目搖手曰：公勞矣。適所講求者。亡論未成。成竟爾。食耳。余以其言異。復稍稍叩之。僧曰：天地間自有一種丹耳。非石非金。丹在靈臺。金石無用也。時夜將半矣。僧手出一物。示余。乃刺度詣也。以羊皮為之。字跡漸磨滅。猶依稀可觀。僧指示余曰：此宋元以前人也。昔在五臺山。跌坐時。有一黃冠者。授我服食方。今不可記。年矣。今得而服之。十年之後。不知其身之輕於鴻也。公倘欲圖平則舉。以告公。慎毋學金丹。金丹不可學也。筆楮既具。僧口誦其訣。命余自書。書訖。讀之。卒無它奇也。僧知余易之。則起而執余手曰：公無訝然。吾非禿於人者。其幸藏是也。再給而讀之。可也。飄然行行。其能留余。亦寢置於後。筇屐中不復稍息焉。徹余請告歸。每意有不慊。輒悶悶廢餐。又時而怒然若饑也。方坐而自

脈裂方以療之。其婦忽言曰：公不憶胡僧乎？公嘗言渠大醫，弗能
食，弗穢也。今其方尚存，盍請試之？余笑曰：微汝言，吾幾忘之。向固疑其
鹿馬，而博千金也。今姑妄爲之，不中無損也。乃命童採取其所修治者，
一惟其方是依。服後，即諸疴如遺矣。未幾而肌粟遍體，生而復平。平
若煠皮骨焉。始信胡僧欺人而不佞之目，皮相也。當其時，彼豈無心
奇術，可攝生乎？美玉在門，余自失售耳。抑余服是方多年矣，即未能
饑飽若胡僧。延壽若胡僧，然使余得至耄，至耄而余耳。余目聰明及
人也，敢忘胡僧力哉。是方也，欲舉而它授，久也。安知不以余之疑胡僧
者，疑余乎？因識其顛末，理子姓藏之，留俟知昔者，携之同登壽域云。

扶桑至寶丹歌

扶桑扶桑高拂雲，海東日出氣氤氳。氣滄海變巨幾，億載此樹移根今尚
存。結子如丹，忽如漆，綠葉英英翠可捫。真人採糴天地氣，指與紅霞共
吐吞。濯麤入鼎，即靈藥。芝木區區未許羣，松有人已仙去。我今朝夕

從此春葉分葉分願王汝綠陰裏自有樞源

胡僧曰蠶食吐絲結成錦繡人食生脂延年除各益嫩菜之葉性本和平
不冷不熱生於郊野之外者惟為蛇蝎所治須擇家園中嫩而存耐者
採數十片洗以長流之水摘去其蒂暴於日中以乾為度復取巨勝子
為臣煉蜜為丸如梧桐子大上吉日擇一誠實之人面授修製之方不
可委諸僮僕仍宜在靜室中屏失婦人女子及鷄犬等物修合既成日
服二次約可百丸白滾水下三月之後體生軫粟此是藥力所行慎勿
驚良旋則通體光澤如凝脂然服至半年之後精力轉生諸病不作久
服不已自躋上壽老人服之步健眼明鬚白返黑又能消痰生液補弱
添精功效不細此仙家服食上品秘密難逢傳匪其人當有殃咎戒之
寶之

老人

老者安之不以筋骨為禮廣延尊席何宜勉強支臨衰年之戒一也戒之
在得舉念濁無去取家之成敗開懷盡付兒孫優游自如清心寡慾二
也衣薄綿輕葛不宜華麗粗重慎於脫着避風寒暑濕之侵小心調攝
三也飲溫暖而戒寒涼食細軟而遠生硬必須減少頻頻慢食不可吞
多慌慌太噉四時宜製理氣健脾補養之藥四也其為壽幽望遠而早
起莫同少壯晝歡而晚歸惟適與而止五也不問子孫賢否衣食枵枵
自當預備身雖強德薄如春寒秋熱可得久乎常以朝不保暮四字為
意六也老能持此六戒雖不用藥庶乎可安矣若家貧子孫不能稱意
只當安命持守閉門端坐願養天年而已不可貪饕責備友生稍懷自
速其壽也

延年良箴

四時順攝晨昏護持可以延年
孝友無間禮義自閑可以延年

三光知敬雷雨知畏可以延年
謙和辭讓損己利人可以延年

物來順應事過心寧可以延年。
口勿妄言意勿妄想可以延年。
行住坐力勿為形勞可以延年。
悲哀喜樂勿令過極可以延年。
寒溫適體勿侈華豔可以延年。
呼吸精和安神閉房可以延年。
詩書悅心山林逸興可以延年。
身心安逸四大閑散可以延年。

衰老論

夫一五之精妙合而凝兩腎中間白膜之內一點動氣大如筋頭鼓舞終
化開闔週身蒸蒸二焦消化水穀外禦六淫內當萬慮晝夜無停八面
受攻由是神隨物化氣逐神消榮衛告衰七竅反常帝號無聲笑如用
流鼻不覺而涕耳無聲燂濕喫食口乾寐則涎溢溲不利而自遺便不

人我兩忘勿競勿熱可以延年。
勿為無益常慎有損可以延年。
坐臥傾時勿令身怠可以延年。
愛憎得失揆之以義可以延年。
動止有常言談有節可以延年。
靜習遵宗敬禮具訓可以延年。
兒孫孝養僮僕順承可以延年。
積有善功常存陰德可以延年。

通而或泄由是真陰妄行脉絡踈澁晝則對入時睡夜則獨臥惺惺故
使之導引按摩以通前滯固激津液以清旣焦枯雖云老者非肉不
飽肥則生氣非人不煖煖則生淫僥倖補藥者如油盡添油燈焰高而
速滅老子云以其厚生所以傷生也况有明修禮貌暗伏姦雄麵藥腐
其腸胃脂粉感其清真孤陽獨盛水殺易消自恃飲噉過入恣造欺天
之罪宿緣既盡惡根臨頭其或厭飲沉酣身居勤儉志益貪婪方聚進
毛之龜忽作女李之夢傾天下之色不足止其欲徧天下之財不足禦
其貧

○一論年高之人陰虛筋骨痿弱無力面無光澤或黧慘食少痰多或嗽
或喘或便溺數澇陽痿足膝無力者非治形體瘦弱無力多困腎氣久
虛憔悴寢汗發熱作渴並皆治之

八仙長壽丸

大懷生地黃酒拌炒銅內蒸一日 天

照拾坊原大培乾八兩

山茱萸酒拌蒸去核四兩

乾山藥四兩

白茯苓去皮木

牡丹皮去骨各三兩

益智仁去殼水

遼五味子去核二兩

麥門冬心二兩

右忌鐵器為細末，煉蜜為丸，如梧桐子大，空心溫酒或炒鹽湯送下。夏

秋白滾湯下。腰痛加鹿茸當歸木瓜續斷。酒後加五味子麥門冬

各一兩。老人下元冷，胞轉不得，小便膨急，切痛四五日，困篤欲死者

用澤瀉去益智，諸淋瀝數起，不通倍茯苓，用澤瀉去益智，夜多小

便，加益智一兩，減茯苓一半。治虛壅牙齒痛浮，治耳聾及虛，如

耳鳴，用全蝎四十九枚，炒微黃色為末，每服三錢，調酒送下。百九空心

服。

○一論此膏填精補髓，腸化為筋，萬神具足，五臟盈溢，髓實血滿，髮白變

黑，返老還童，行如奔馬，日進數服，終日不食，亦不饑，開道強記，日誦萬

言，神識高邁，夜無夢，想人生二十七歲以前服此，丁料可壽三百六十

歲四十五歲以前服者可壽二百四十歲五十四歲以前服者可壽一百一十歲六十三歲已上服之可壽至百歲服之十刻絕其終修陰功成地仙矣一料分五處可救五人癘疫分十處可救十人勞瘵修合之時沐浴志心勿輕示人

瓊玉膏

人參好揀者老

真懷生地黃

十斤淨洗

白茯苓

擊白者去皮滿

白砂蜜五斤

右將參苓為細末。忌鐵器。蜜用生絹濾過。地黃取自然汁去渣。同藥下處伴和勻。入磁器內封固。淨紙二十餘重密封。入重湯煮。用桑葉火煮六日。如連夜火。即三日夜取出。蠟紙數重包瓶口。入井內去火毒。一伏時取出。再入舊湯內煮。下日出水氣。取三匙作三盞祭。去地百神。焚香設拜。至誠端心。每清晨以二匙溫酒化服。不飲酒者白湯化下。忌雜犬聲及婦人孝子見之。

羅仙曰予所製此方加沉香琥珀各五錢其功效異於世傳之方乾咳喘者有聲無痰之名也火乘於肺喉嚨隱隱而痒故命有聲病原於脾者有痰病不由脾故無痰也易曰燥萬物者莫熯乎火相火一熯則五液皆涸此乾咳嗽之由也生地黃能滋陰降火蜜能潤生津損其肺者益其氣故用不參虛則補其母故用茯苓又地黃白蜜皆潤肺又多茯苓甘而屬土用之以佐一物此水世之下土氣乘之之義乃立方之道也

○一論陽春白雲糕凡年老之人當以養元氣健脾胃為要每日三食不可缺此糕也玉道之品最益老人方見內傷

保生雜思

齊太夫褚澄曰麤女則養血宜及時而嫁弱男則節色宜待壯而婚
男子破陽太早則傷其精氣女破陰太早則傷血脈
書云精未通而御女以通其精則五臟有不瀧之處果自有難狀之疾

書云男子以精為主女子以血為主故精竭則思室血盛則懷胎若陰陽絕陰獨陰無陽熱心熾而不遂則陰陽交爭乍寒乍熱久而為勞

彭祖曰美色妖麗嬌姿盈房以致虛損之禍知此可以長生陰符經曰淫

聲美色破骨之斧鋸也世之人若不能秉靈燭以照迷構使慧矧以割

愛慾則流浪生死之海害生於恩也書云年高之時血氣既弱腎陽事

輒盛必慎而抑之不可縱心恣意一度不泄一度火滅一度增油若不

制而縱慾火將滅更去其油

春秋秦醫和視晉侯之疾曰是謂近女室非鬼非食惑於喪志公曰女不

可近乎曰節之

女樞曰元炁者腎間動炁也右腎為命門精神之所舍是謂保重榮衛週

流神氣不竭與天地同壽

壽曰立意極精不知潛虛損生也譬枯朽之木遇風則折凝潰之岫倚水

先頽句能愛惜節清亦得長壽也

抱朴子曰才不達強思之力不勝強舉之傷也甚矣強之一字其戕害甚矣
壽之本夫飲食所以養生也然便醉而強酒飽而強食未有不疾者其
身况慾乎慾而強元精去元神離元氣散戒之

書云飽食過房勞損血氣流漆滲入太腸時便清血腹痛病名腸癰
又云大醉入房氣竭肝傷丈夫則精液衰少陰痿不舉女子則月事衰微

惡血滲留生惡瘡

書云忿怒中盡力房事精虛氣竭發為瀉疽恐懼中入房陰陽偏虛自汗
盜汗積而成勞遠行疲乏入房為五勞月事未絕而交接生馭又冷氣
入內身尚黃黃不瘥

一金瘡未瘥而交合動於血氣令瘡敗壞恐亦便入房者得淋疾莖中瘡
面失血色致胞轉墜下急痛死

書云時疾未復犯房者舌出數寸長而死

攝養

荒滋味，省思慮，節嗜慾，戒喜怒，惜元氣，離言語，輕得失，破憂沮，除妄想，遠好惡，收視聽。

又

惜氣存精更養神，少思寡欲勿勞心，酒止三分莫過頻，每把戲言多取笑，食惟半飽無滋味，常令藥意莫生噴，炎涼變詐都休問，任我逍遙過百春。

附太學士高 等題今日伏聞

聖躬益安中外無不懽忻乃臣等竊聞性哲有言調理疾病尤當謹乎初愈之時蓋容火初退不可犯觸當以懲忿為安元氣初還不可有撓擯以寡慾為要以此自持日復一日則容火益消元氣益壯口燥感矣此真調攝之術也

皇上聖明必然洞見何待臣等言之但太馬微忠實有不能自已者伏望

皇上平氣寧神倍加靜養勿以思慮勞心勿以動作勞形節慎起居多進

粥食以保衛

天和不止今日如此即太安之後仍復如此久之自然

聖躬強固精神倍增萬年無疆之慶端在是也臣等下情無任忠愛慤

懇仰望之至奉

聖旨朕知道了

痼冷

丹溪曰人之身貴乎陰陽升降和平無偏若有偏勝即為之患痼冷之症由入之一身真陽耗散脾胃虛弱加飧冷物有傷脾胃固結其寒於臟腑不散以致手足厥冷畏冷憎寒飲食不化嘔吐涎沫或太瀉洩泄或小便頻數治法宜暖下元兼理脾胃又有脾虛而畏寒者令人咳嗽尤當詳而治之

○一論陰症身靜而重，語言無聲，氣少，難以喘息，目睛不了了，口鼻冷，氣水漿不入，大小便不禁，自上惡寒，有如刀割，先用葱熨法，次服理中湯。葱熨法方見中寒。

加味理中湯

大附子麵包煨去皮腎 人參

白朮去麩炒

乾薑炒

肉桂

陳皮

白茯苓去皮各符分

甘草減半炙

右剉生薑三片，棗二枚，水煎熱服。

○一論陽症歸陰，陰囊縮入，手足厥冷，腹痛脹滿，汗大出，脈或洪弦。

固陽湯

黃芪蜜水炒

人參各一錢

白朮去麩炒

白茯苓去皮二錢

乾薑一錢炒

白薑一錢炒

良薑一錢 厚朴薑汁炒

大附子炮一錢

右剉，下劑，水煎熱服。

○一脫陽症多因大吐大瀉之後四肢逆冷元氣不接不省人事或傷寒新瘥誤與婦人交小腹緊痛外腎縮入面黑氣喘冷汗自出須臾不救先以葱白炒令熱慰臍下次用

附子一枚去皮白朮去油炒 乾薑炮各五錢 木香五分

右剉每劑五錢水煎服須臾又下服○一方用葱白連鬚六七根研爛熱酒調服外用炒鹽熨臍下氣海勿令氣冷

○一治陰疝腹痛手足厥冷急用

三仙散

大附子炮去 官桂 乾薑炒各等分

右共為細末每服三錢滾酒調服即愈

○一論陰症腹痛身冷宜

回陽散

硫黃四分 胡椒六分

右為細末每服三分燒酒調服。

○一治陰症秘方

硫黃化開傾入井水內取出為末飯為丸如梧桐子大每服一錢溫酒送下。

○一治陰症用黑豆不拘多少鍋內炒熟乘熱以好酒淬之就以蒜佐勿

令泄氣候溫飲酒大效。

○一治陰症用魚鱗一根燒存性胡椒四十九粒為末熱酒調下。

○一治陰症腹痛手足厥冷陰縮用朝腦二錢或三錢滾酒和服用枯白礬以水調塗於兩手相合於大腿內夾之良久汗出即愈。

○一治陰毒手足逆冷脉息沉細頭疼腰重兼治陰毒咳逆等疾。

川烏頭乾薑等分為粗散炒令轉色放冷再搗為細末每服一錢水一盞蓋一椽煎取半盞溫服。

○一治陰症

用天艾炷灸臍中，頂將蒜搗汁擦臍上，後放艾多灸之，其臍上下左右各開一寸，用小火炷灸至五七壯為度。

如五莖縮入於內，速令人捉定，急將斷艾九如菘豆大，放在馬口灸，二壯其莖即出，仍服加味理中湯。

○一論陰症小便縮入腹內，用極肥母雞一隻，利刀將脊上急急劈開，用手扯開，連毛帶屎，合於病人腹臍上，令人脚踏雞上，須臾熱透小便即出。

○一論因女色成陰症者，宜

回陽寶

白礬生三錢 黃丹二錢 乾薑五錢 母丁香一箇 胡椒十五箇

右為末，用醋和得，所以男左女右，手握藥搭臍上，被益出汗即愈。

○一治陰症極効方

芥菜子七錢 乾薑三錢

右為米水調作餅貼臍上，手帕纏之上，放此鹽以發其氣，為之救，次汗出為度。又將病人小便，紫陰葉，往上畫頭處用艾炷灸七壯，神效。

○一治陰症不能服藥，不得汗出者。

回陽散

丁香

乾薑

乳香

沒藥

胡椒各三錢

右為末，每用三錢，以鹽調塗在兩手掌心，安於兩膝間，以手帕纏定，用綿被蓋之，其汗自出。

○一紫陰及大小便不通

小芥菜子半碗為細末，用黃丹一撮，醋燒滾，調糊攤臍上，以艾炷灸住，熱如火不妨，以三炷香為度，將藥去了，用青石沾水涼之，如不得熱，不用水更好。

○一緊陰用胡椒乾薑各二錢為細末，唾津調塗自己手心，綿帛蓋臍腹，戶上側臥效。

斑疹

脈多沉伏或細而散或絕無滌伯仁曰脈者血之波瀾故發斑者血散於肌膚故脈伏脈陽浮而數陰實而大火盛而表故陽脈浮數下焦實熱故陰脈實大

夫斑有色點而無頭粒者是也疹浮小有頭粒者隨出隨收收則又出是也非若斑之無頭粒者當明辨之

若發斑紅赤為胃熱若紫不赤為熱甚紫黑為胃爛故赤斑半生半死黑斑者九死一生太抵鮮紅起發稀朗者吉紫黑者難治禱黑斑爛首死也九斑欲出未出之際宜先以升麻湯先透其毒脈虛加入參人參湯而大便不實加白朮斑已出不宜再發也斑不可汗斑爛不宜下如脈洪數熱盛煩渴者人參化斑湯

一論陽毒赤斑出狂言吐膿血乃熱毒蘊於胸中而發斑也宜以

升麻湯

升麻二錢 犀角屑 射干 人參 生甘草各一錢

右剉一劑水煎溫服。

○一論只因內熱發出皮膚如蚊蟲之噬不宜汗下但清熱降火涼血氣為要若斑黑為不治之症宜用。

人參化斑湯

人參三錢 石膏一兩 知母五分 當歸 紫草茸
白茯苓去皮 甘草各三錢

右剉二劑水煎服。

○一論氣分有熱發斑者宜。

柴胡湯

柴胡三錢 黃芩二錢 半夏二錢 人參一錢 紫草二錢
黃連二錢 茯苓二錢 甘草一錢

右作一劑生薑煎服。

○一論血分有熱發斑者宜

當歸散

當歸

赤芍

生地黄

黃連

紅花

石膏

右對水煎服。

○一論癰疹因風熱客于肌腠氣血積阻而成也宜加味敗毒散。

羌活

獨活

前胡

柴胡

當歸

川芎

枳殼去穰

桔梗

茯苓

人參各五分

薄荷

甘草各二分加白木

防風

荆芥

蒼朮米泔浸

赤芍藥

生地黄各五分

右對水煎服。此因感冒風濕以致發斑者服之良驗。

○一論斑者如胭脂點而不起者，是也。紅斑可治，紫斑十活其一。斑十無生也。如有斑見，宜服解毒化斑湯。

牡丹皮

生地黄

木通

歸尾

知母

茜根

紫草茸

牛蒡子

遠志

甘草湯

甘草

生帶

好犀角以下乳汁磨

川山甲炒成珠研

未一錢

右用米煎藥調下山甲，未并犀角汁同服。

發熱

夫發熱者非止一端。瘧病中俱有發熱。醫者宜照容門治法治之。蓋病在虛實，寒熱之不同，豈可一例而治耶。

○一論傷寒發熱是寒邪入衛，與陽氣交爭而為外熱。陽氣主外，為寒所薄，而其失職故為熱。其脈緊而有方，是外之寒邪傷衛也。治主以麻

九味羌活湯方見傷寒

○一論傷暑發熱是火邪傷心元氣耗散而熱邪入客于中故發為熱汗大泄無氣以動其脉虛遲而無力是外之熱邪傷榮也治去內宜服荷暑益氣湯方見中暑

○一論內傷發熱是陽氣自傷不能升達降下陰分而為內傷乃陽虛也故其脉大而無力屬肺脾宜服補中益氣湯方見內傷

○一論陰虛發熱是陰血自傷不能制火陽氣升騰內熱乃陽旺也故其脉數而無力屬心腎經曰脉大無力為陽虛脉數無力是陰虛宜服清離滋坎湯方見發熱

○一論大病後氣血兩虛遂成勞怯潮熱往來盜汗自汗或無汗燥熱世俗便以柴胡地骨皮往往不效其病愈劇

○一論男子血虛有汗潮熱者以人參養榮湯方見後

○一論男子氣虛有汗潮熱者以補中益氣湯方見內傷

○一論血虛無汗潮熱者以茯苓補心湯方見婦人虛勞

○一論氣虛無汗潮熱者以人參清肌散方見後

○一論女子血虛有汗潮熱者以茯苓補心湯

○一論氣血兩虛無汗潮熱者以逍遙散方見婦人虛勞

○一論發熱咳嗽咯血以人參五味子散骨蒸者五蒸湯清骨散以上皆

治勞熱之聖藥也方俱見後

○一論男婦四肢發熱肌表熱如火烙捫之烙手此病多因血虛而得之
或胃虛過食冷物鬱遏陽氣於脾土之中即火鬱則發之即火鬱湯
升陽散火湯

升麻 葛根 白芍 羌活 獨活

人參各五分 柴胡八分 防風 生甘草 炙甘草各三分

右剉一劑生薑煎服已寒涼生冷之物

○一論夜則靜晝則發熱者此熱在氣分也宜

小柴胡湯方見傷寒依本方加梔子黃連地骨皮

○一論晝則靜夜則發熱者此熱在血分也宜

四物湯方見補益依本方加黃柏知母黃連梔子牡丹皮柴胡

○一論晝夜俱發熱者此熱在氣血之分也宜

四物湯方見補益合小柴胡湯方見傷寒依本方五味再加黃連山枝子

仁下劑而安

○一論于午潮熱者

加減逍遙散

當歸

白芍

白朮

茯苓

柴胡

甘草

加胡黃連

麥門冬

黃芩

地骨皮

秦朮

木通

車前子

燈草

右剉水煎服

○一論一切發熱體寒并雜病發熱者此邪在半表半裏也宜

柴苓湯

小柴胡湯方見傷寒五苓散方見中卷二方相合是也。

○一論積勞虛損四肢倦怠肌肉消瘦顏色枯槁汲汲短氣飲食無味也
人參養榮湯

人參

當歸

陳皮

黃芪蜜炙

桂心

白朮去蘆

白芍酒炒

熟地黃

白茯苓去皮

五味子

遠志去心

甘草炙

右剉薑棗煎服。

○一論男婦氣虛無汗潮熱者宜

人參清肌散

人參

白朮去蘆

白茯苓去皮

當歸

赤芍

柴胡

半夏

粉葛

甘草

右剉薑棗煎服。

○一論虛勞潮熱咳嗽紅痰盜汗其

人參五味散

黃蘗

人參

白朮

白茯苓

當歸

熟地黄

陳皮

五味子

柴胡

前胡

枳殼

桔梗

桑白皮

地骨皮

甘草

右剉生薑烏梅半箇水煎加知母青蒿

○一論男婦五心煩熱骨蒸勞熱宜

清骨散

人參一錢

赤茯苓

五分柴胡二錢

秦艽五分

生地黄二錢

熟地黄一錢

防風一錢

薄荷七分

胡黃連五分

右剉水煎服

○一論發熱口乾小便赤澀夜則夢驚晝則發熱此熱在氣分也

清心蓮子飲

方見赤白濁

○一論男婦肌熱燥熱目赤面紅煩渴引飲晝夜不覺其熱洪大而厚重
 按全無肉經曰脉虛血虛脉實血實又名血虛發熱証象白虎脉脈不
 正實為辨也若誤服白虎必死此病得之於錢因勞役起宜服

當歸補血湯

嫩黃芪一兩蜜水炒 當歸酒洗 二錢

右剉一劑水煎溫服

○一人虛勞發熱自汗諸藥不能退其熱者服當歸補血湯一劑如神

○一沈太尹平時發熱日飲水米數碗寒藥二十劑熱渴益甚形體日瘦尺

脉洪火而數時或無力王太僕曰熱之不熱責其無火寒之不寒責

其無水又云倏熱往來是無火也時作時止是無水也法用補腎用加

咸八味丸不月而愈

○一男子七十有九頭痛發熱眩暈喘急痰涎壅盛小便頻數口乾引飲

遍舌生刺縮飲加荔枝然下唇黑裂面目俱赤煩燥不寐或時痰閉如

烟火上衝急飲涼茶少解已瀕於死脈洪大而無倫且有刀割其身烙
手此腎經虛火遊行於外投以十全大補加山茱澤瀉丹皮山藥麥門
五味附子二鍾熟寐良久脈症各減三四再與八味九服之諸症悉退
後畏冷物而痊。

○一儒者發熱口乾小便頻澀太便秘結盜汗遺精遂致廢弱用當歸六
黃湯二劑盜汗頓止用六味地黃丸一夜調和用十全大補湯及前丸
兼服月餘諸症悉愈。

○一人每近四旬忽發潮熱口乾喜飲冷水求醫治以涼藥投之數服罔
效四五日渾身沉重不能動止四肢強直耳聾譫語妄言眼閉不省人
事六脈浮大無力此氣血脾胃虛損之極予以十全大補湯去地黃白
芍加熟附子一服須臾病者鼾睡痰響人咸以為服桂附參芪之悞予
曰此藥病交攻不必憂疑也強又進一服過一二時許即能轉身動止
次日連進數劑則諸病次第而潛瘳矣此從脈不從症而治之也。

○下人發熱煩渴時或頭痛因服發散藥反加喘急及痛自汗如水晝夜譫語余意此勞傷元氣譫汗所致其腹必喜手按詢之果然與十全大補加熟附子下錢服之熟睡喚而不醒舉家驚惶及覺諸症頓退再劑而痊凡人飲食勞役起居失宜見一切火症悉屬內真寒而外假熱故肚腹喜暖口畏冷物此乃形氣病氣血俱虛屬不足法當純補元氣為善治者矣。

六味丸 八味丸 十全大補湯 俱見補益

勞瘵

脈骨蒸勞熱脈數而虛熱而瀦水必殞其軀加汗加欬非藥可除夫陰虛火動勞瘵之疾蓋由相火上乘肺金而成之也傷其精則陰虛而火動耗其血則火亢而金虧人身之血猶水也血之精華最厚者精也

不謹養者縱其慾而快其心則精血滲洩故臟腑津液漸燥則火動重

肺而生痰因其燥則痰粘于肺管不利於出故欬而聲乾原乎精之則陰虛陰虛則相火衝胃而變為涎也一火薰膈則痰涎逆上胃院不利則多嗽聲蓋痰因火動嗽因痰起痰之黃厚者為有氣可治狀如魚涎白沫者為無元氣難愈然斯病之起非止過慾而已或五味之傷或七情之極或勞役之過耗散元氣損傷脾胃氣血虧損臟腑虛弱六脈沉細微瀆而數百病由是次第而生蓋腎水一虛則相火妄動相火上炎薰剋肺金肺受火邪所剋所以為咳為嗽為熱為痰為喘急為盜汗為吐衄衄血為便血尿血為四肢倦怠為五心煩熱為咽乾聲啞為耳鳴眼花為遺精便濁為鼻脹腫滿為一切難狀之症治之宜滋腎水養心血扶元氣健脾胃以培其本降相火清濕熱化痰涎潤肺金以治其標宜以清離滋坎湯補中益氣湯河車地黃丸太平丸瑞蓮丸寧嗽膏白雪糕之類宜對證選用慎毋執泥蓋此病非一朝一夕之故其所由來者漸矣然治之非一方一藥所能療焉宜以上諸方對症投之功不可

以間斷效有難於速期久而腎水上升則相火下降火降則痰消嗽止
水升則氣足神完水火既濟又何疾之不愈哉又須病者望心愛念絕
房勞戒惱怒息妄想節飲食廣服藥以自培其根可也萬一毫釐不謹
則諸病迭起縱虛扁復甦亦難為矣可不慎乎

○一論因房慾過度而成陰虛火動勞察之症發熱咳嗽吐痰喘急盜汗
五心煩熱吐血衄血咽澀聲啞夜夢遺精耳鳴眼花木脉沉數而滑

清離滋坎湯

懷生地黃一錢 懷熟地黃一錢 麥門冬一錢

當歸一錢酒洗 白芍一錢酒炒 懷山藥一錢

白茯苓一錢去皮 牡丹皮六分 白朮一錢去油蘆

黃柏五分蜜水炒 知母五分 甘草三分

右剉薑棗煎溫服○痰盛加竹瀝薑汁○熱盛加童便人乳同服○盜
汗加黃芪蜜水炒酸棗仁炒○嗽盛加五味子○痰盛加貝母瓜蒌仁

天門冬一錢去心

山茱萸一錢去核

澤瀉五分

○熱盛加地骨皮○心下怔忡恍惚不寐加遠志去心酸棗仁炒○遺精加龍骨牡蠣煨○胸中不快加陳皮○泄瀉加蓮肉陳皮去黃柏知母○吐血衄血加犀角玄參○氣虛加入參○陽虛加熟附子○喘滿聲啞加桔梗玄參

○一論虛勞發熱口乾咳嗽吐痰喘急自汗四肢困倦無力不思飲食大便泄瀉肚腹膨脹腫滿六脈浮數無力

加減補中益氣湯

黃芪蜜水炒

人參一錢

白朮去油薑炒

白茯苓去皮

陳皮六分

當歸酒洗

白芍酒炒

懷山藥一錢

蓮肉一錢

甘草炙三分

右劉蕢棗煎服○痰盛加薑製半夏○欬盛加五味子○口渴加麥門冬○腹脹加厚朴薑炒○痢痞加枳實煨炒○泄瀉加炒黑薑薑○嘔吐加薑炒半夏○腫滿加猪苓澤瀉木通○憎寒發熱加柴胡○元氣

下陷加升麻○元陽虛弱加熟附子肉桂

○一論年少之人稟賦薄弱不能謹慎新妻太過以致腎水枯竭相火妄動而成陰虛火動之症渾身發熱咳嗽吐痰喘急上壅夜多盜汗五心煩熱日輕夜重吐血衄血尿血便血咯血唾血肺癰肺痿咽痛聲啞口乾發渴耳鳴眼黑頭眩昏沉蠱脹腫滿小便淋濁夜夢遺精足膝酸軟肌肉消瘦四肢困倦飲食少思血虛發熱之神藥也

河車地黃丸

懷生地黃

先將酒洗淨再入酒拌勻粗碗盛坐放砂鍋內重湯煮半日取出加酒再蒸至極黑為度再入生姜汁拌勻慢火

山茱萸

酒拌蒸去核 懷山藥 四兩

白茯苓

去皮筋 三兩

牡丹皮

去骨 澤瀉 三兩

右忌鐵器為細末用頭生胞衣丁具男用男胎女用女胎長流水洗令淨磁碗盛放砂鍋內文武火蒸丁日極爛人白內拌如泥入藥汁拌勻

餘下丸如梧桐子大每服百丸空心滾白湯送下腎水不能補養脾土
 多吐痰喘噎噎湯送下或用斑龍膠酒化開為丸尤妙如病人大便乾燥
 口乾作渴此相火太旺加黃柏酒炒知母酒炒麥門冬去心五味子各
 二兩同丸服

○一論虛勞久嗽紅痰肺痿肺癰卧不倒牀咳嗽聲不絕者宜用
 化太平丸

天門冬 去心 麥門冬 去心 知母 去毛 貝母 去心 款冬花

杏仁 去皮各兩 當歸 酒洗 生地黃 熟地黃 黃連

阿膠 蛤粉炒成末 各一兩 五錢 蒲黃 京墨 桔梗 去蘆

南薄荷葉 各一兩 麝香 少許 白蜜 四兩

右為細末將蜜煉為丸如彈子大臨臥濃煎薄荷湯先灌漱候中細嚼
 下丸津液送下

○一論陰虛火動吐血咯血咳嗽痰涎喘急大欬肺氣止嗽化痰定喘之

聖藥也。

如神寧嗽膏

天門冬去心八兩

杏仁煨去皮四兩

貝母去心四兩

百部四兩

百合四兩

款冬花五兩

紫苑三兩

右已上俱為粗末。長流水煎三次。入飴糖八兩。蜜一斤。再熬。又入阿膠四兩。白茯苓水飛。去筋膜。四兩。晒乾。二味入煎汁內。和勻。如糊。成膏。每服三五匙。

○一論治虛勞。脾胃虛弱。不思飲食。泄瀉等症。

參苓白朮散方見內傷

理氣健脾丸方見飲食治男婦虛勞。肚腹脹痛。泄瀉不止。咳嗽吐痰。上喘

痞悶宜

陽春白雪糕方見內傷治虛勞百病。可兼煎湯丸進之。大有補益。

○一論虛勞發熱。痰嗽喘汗。泄瀉腹痛。脾胃虛弱。飲食少思。骨瘦如柴。宜

瑞蓮丸

乾山藥 炒二兩
蓮肉 去心皮二兩
白朮 去蘆土 炒二兩
芡實 去殼炒 二兩

揀參 一兩
白茯苓 去皮 一兩
陳皮 一兩
白芍 炒火煨酒 一兩

粉草 炙五錢

右為細末用公猪肚一箇洗淨水煮爛搗和為丸如梧子大每服百丸米湯送下

○一論此膏治五勞七傷諸虛勞極元氣虛損脾胃虧弱養血和中滋陰抑陽寧嗽化痰退熱定喘止瀉除渴真王道之劑也

調元百補膏 張尚書傳

當歸身 酒洗 四兩
懷生地黃 一斤
懷熟地黃 四兩
甘枸杞子 一方

白芍 一斤
人參 四兩
蓮肉 四兩
遼五味子 一兩

麥門冬 去心 五兩
地骨皮 四兩
白朮 去蘆油 一斤
白茯苓 去皮 十

懷山藥 五兩
貝母 去心 三兩
薏苡仁 米八兩
粉沙 甘草 三兩

琥珀三分

右剉細和足水一斤微火煎之如乾再加水十斤如此四次瀉去渣取汁文武火熬之待減去三分每斤煉淨熟蜜四兩春五兩夏六兩共熬成膏每服三匙白湯化下。○吐血加牡丹皮二兩。○骨蒸加青蒿汁童便各二碗同熬。

○一人足熱口乾吐痰頭暈服四物黃連黃柏飲食即減痰熱益甚用十全大補加麥門五味山藥山茱而愈。

○一男子年十六夏夏自作渴發熱吐痰唇燥遍體生疥兩腿尤多色黑作痒日晡愈熾仲冬腿患瘡尺脉洪數余曰疥腎疳也瘡骨疽也皆腎經虛症銛之膿出其氣氤氳余謂火旺之際必患瘡遂用六味地黃十全大補不二旬而諸症愈瘡症具仍用前藥而愈抵冬娶妻至春其症復作父母憂之俾其外寢雖其年少謹疾亦服地黃丸數斤煎藥三百餘劑而愈。

○一余嘗聞士子讀書作文辛苦最宜節飲。蓋勞心而不節飲則火動水動則腎水日耗水耗則火熾火熾則肺金受害。傷氣為勞此固深知讀書之苦洞得病情之由而患者不自不知所預防也。

○一陰虛火動發熱煩燥服諸藥不効者非重便不能奏効。益氣湯去棗升加生地赤苓白苓天冬麥冬赤芍五味黃柏地骨皮知母貝母銀柴胡龜板。

○一若熱來復去晝見夜伏夜見晝伏不寐而動或無定處而作口舌生瘡者若從脚起乃無根之火也。以次味丸及十全大補湯加麥門冬五味子。

○一治陰虛火妄五心煩熱用七八歲無病童子小便去頭尾要首者下盞或食前或食遠服之。每日二三服之降火滋陰最速。童便紅黃者勿用。若誤服傷脾胃而作泄瀉慎之。

○一儒者形體魁偉冬日飲水自喜壯實。余曰此陰虛也不宜。下日口舌

生瘡或用寒涼之劑肢體倦怠發熱惡寒余用六味地黃丸補中益氣而愈

○一治勞瘵陽旺不倒用

皮硝不拘多少放湯官即手掌心內兩手合住自化其陽自痿病愈用起陽法好燒酒和黃泥塗陰毛際處一日其陽即起

○一治陽旺用

絲瓜小藤搗爛敷玉莖陽即倒矣

○一治痿陽効

經霜絲瓜不拘大小白馬尿浸一日陰乾為末每服二錢空心白酒

送下

○一治縮陽法

馬蝗蜞一名馬蟻。取起九條入水碗養住至七月七日取出陰乾秤有多少入麝香并合長香三樣一般多研為細末用蜜少許為餅過

陽旺時即將少許擦左腳心即時陽痿過飽復旺又擦

○一論勞者勞於神魂傷者傷於形容飽過處則傷脾思慮過度則傷心色慾過度則傷腎起居過常則傷肝喜怒悲恐過度則傷肺又風寒暑濕則傷外饑飽勞役則傷內晝感之則病夜感之則酒衄勞傷經行內外交運而各從其晝夜始勞於一一起為二二傳於三三通於四四至其五五復犯一一至於五邪乃深藏真氣自失使久肌肉消神氣弱飲食減行步難乃其如此則雖有命亦不能久也。

攝養良箴

養生之術九百有節。人之壽夭在乎調攝。一有所偏百病俱發。五勞七傷。損傷氣血。釀成陰虛痰嗽。喘熱麻痺。滯數病成。虛怯猶樹根枯。治當補接。斡旋元氣。滋養枯竭。神醫妙手。庶免夭折。病者堅心。咬釘嚼鐵。調攝經年。藥餌千帖。妄想息房。勞要絕惱。怒要除。飲食要節。若犯絲毫。噬臍莫及。洗心滌慮。謹遵成法。雲林格言。非為浪說。却疾延年。千金秘

訣

一羊城馬伏所昔博沉痾諸醫罔效召予治愈遂成莫逆之友萬曆庚戌夏乃郎年二旬餘素稟清弱酷嗜酒慾頻年屢遭驚駭至今遂成虛勞之恙召予至診其六脉弦數無力其症潮熱增寒盜汗如雨時微痰嗽手掌熱而手指冷心驚悸而夢遺以上諸症皆屬腎水枯竭心血乾涸相火上炎薰灼肺金元氣受傷脾胃虧損而臟腑氣血皆耗憊矣予治以十全大補湯看病加減施治用地黃丸壯水之主以制陽光加歸參酸志以補心血用瑞蓮丸白雪糕以補元氣脾胃每日如此服之如彈天平一般不可偏勝倘萬有一偏則病劇而不可復救藥矣何也若偏於補陽藥多則陽旺而陰愈泄而相火愈熾則咽嗑腫痛生瘡瘰癧之症可立而待矣若偏於補陰藥多而用地黃當歸泥滯脾胃不進而為瀉痢腫脹喘滿等症生焉所以用藥不敢偏勝有如此矣予將前四藥服之旬日頗有微効分付病家執此以往調攝期以歲年投劑積以千

百病可免危而就安也子緣有司召速暫離而去殊料病家欲速即吳
更醫不審病原誤認爲陽虛輒投烏附參芪之類數服諸症稍減之家
欣然而返罪子用歸地之過遂連進補陽之藥不半月而陽火愈熾則
咽痛聲啞諸症出矣病之至此雖日進歸地數片亦無用矣醫之至此
急進入乳薑便以遏其火將脾胃復憊以致上熱未除而中寒復生泄
瀉之病又作若兩斧之伐一枯不數月而告終矣吁醫者不悟妄治之
失病家不悔欲速之差惟付諸天命可勝歎哉

補遺

神仙粥

山藥蒸熟去皮一片鷄頭實半片煮熟去殼搗爲末入粳米半升
火煮成粥空心食之或入葦子末二三兩在內尤妙食粥後用好熱
酒飲一二盃妙此粥善補虛勞益氣強志壯元陽止泄精神妙
○論男子勞傷而得瘵疾漸見疲羸并傳屍勞瘵宜服

製元酒

猪猪腰一對。用童便二盞。無灰酒一盞。以新瓦合貯之。密封。慢火蒸熟。至中夜五更。初温熱飲。酒食腰子病篤一月効。平日度快者亦可服。蓋以血養血。全勝金石草木之藥。○如吐血。加繡針草根二兩。極効。

○一治滑蒸勞熱方

生地黄一升。搗取汁。三度搗絞。汁盡。分再服。若利即減之。以身涼為度。如勞瘦骨蒸。日晚寒熱咳嗽喘急。用生地黄汁三合。煮白粥。臨熟入地黄汁。攪令勻。空心食之。

○一論治虛勞咳嗽痰喘自汗

用公猪肺不見水。用銀簪刺爛。加入葛菜子在內。蒸爛。五更時細嚼吃下。

○一治氣虛勞嗽及腸風下血。傳尸死勞。蟲并蠱。交心痛。

鰻鱺魚二斤治如余法切作投子塊入鍋內以酒二支煮後入鹽醋於中食之。

○一論傳屍勞瘵有傳染滅門者用鰻鱺魚白水煮食之用骨燒烟煎病人斷根。

○一論治傳屍勞瘵病乃有避百物思吃者用此方百發百中。

白稜草麻子淨仁下 兩為末 乳香 沒藥各五分 石膏一錢

葱三根

右用猪肝心肺一副莫下水將藥和作一處灌入猪肺眼內管中用線扎住用五十斤桑柴慢慢文火煮爛不拘時食之。
一論久嗽痰火方

生薑汁 生藕汁 白果汁 蘿蔔汁 梨汁

荸薺汁

以上各汁七錢同入砂鍋火熬加白糖霜四兩世煎數次下蜜二兩

再煎入猪油二錢同煎成膏聽用。

白茯苓去破

白明砂一兩

白木去薑油

右為細末入前膏攪勻為丸如芡實子大每用二九嚼化五更時再進
无以愈為度。

一論血虛肺燥皮膚折裂肺痿咳咯膿血吐痰喘急咳嗽失聲等症
又云去積聚風痰補肺潤五臟三蟲伏尸除瘧疾輕身益氣令人不飢
延年不老。

天門冬膏

天門冬每料用十斤或五斤先用溫水洗淨揀過再用半溫水浸二
時即去水只待軟透至骨去皮心搗碎每斤先入水五碗同煮一斗
乾却傾出濾汁再入水再熬再瀝淨如此三次將三汁下同再熬成
膏再入蜜四兩慢火熬成膏埋至三百出火毒每服二三匙不拘時
白滾水送下。

吐血

一切諸失血證脈沉小身涼者生脈大身熱者死吐後脈微者可治吐幼後復大熱麻反躁急者死

夫人身之血名曰榮夫榮者調榮潤於身之物也血生精故血充則力強體健顏色青為血虛色紅為血熱白色氣血兩虛血屬陰陰乃陽之守也陰有質者則陽氣得以倚附焉其陰精一虛則眾火炎炎眾液沸騰妄行矣蓋人之五內心主血脾生血肝藏血尤水也中和則循經調暢寒則凝滯熱則勇射惟小兒不知冷熱衣被過厚亦致客熱則鼻衄也鬱熱結於陽明之經及傷寒鼻流血名曰紅汗邪隨而解矣治法不同其男婦皆子陰血以致君相二火協動繫於心脾而成血症其先天真陰不足者欲雖不淫亦作斷喪精竭而論相火暴熾冲上血湧諸絡管而來鮮者宜涼補之劑止之瘀者不可用涼墨及十灰散三七等初藥

阻塞惟清涼引血歸元補益滋陰降火為良策也
 ○一論吐血皆因虛火妄動血得熱而妄行此方主之
 涼血地黄湯

犀角

乳汁磨服入藥
內或剉末煎用

生地黄 酒洗 二錢

牡丹皮 二錢

赤芍

七分

黃連 酒炒 一錢

黃芩 酒炒 一錢

黃柏 酒炒 五分

知母 一錢

天門冬 去心 一錢

扁柏葉 三錢

茅根 二錢

玄參 一錢

右剉水煎入後十汁飲同服○一吐血成塊者加大黃一錢杏仁十箇
 去皮尖研如泥○衄血加梔子玄參沙參○溺血加木瓜牛膝條芩荆
 穗地榆倍知栝○便血加黃連槐花地榆荆穗烏梅○善酒者加乾葛
 天花粉
 十汁飲

藕節

甜梨

茅根

韭菜

蘿蔔

家園生地黃

沙蜜

竹瀝

煎便

京墨庭粉汁

右十汁合作一處不見火。入前湯藥半鍾頻頻服之不可間斷。服至血止再服後滋陰清火湯同服。

一治吐血不止神方

家園生地黃半斤洗淨搗爛生大黃末一方寸七

右煎地黃汁三沸下大黃末調勻空心服溫飲一小盞。一日三服血即止。

一治吐血咳嗽。上吐而心慌脈洪火盛死在須臾。

家園生地黃非人呼為淡萎勿過地有之取來洗淨搗汁半鍾白煎

便半鍾二味合一處重湯煮一沸溫服立効。

○一論吐血覺胸中氣塞上吐紫血者此上焦積熱也宜

桃仁承氣傷方見傷寒

○一治諸失血

韭菜連根洗淨石臼內搗爛入童便在內用布搗去渣重湯煎熟冷熱瀉者居下不用止用清者或單服或入藥服俱好或調百草霜二錢服之血止効

○一論吐血衄血宜用

滋陰清火湯

當歸一錢 川芎五分 赤芍七分 生地黃一錢 黃柏乳汁炒

知母錢一 麥門冬去心一錢 牡丹皮一錢 玄參一錢 犀角一錢

山梔仁一錢 阿膠炒五分 甘草三分

右剉一劑水煎入十汁飲同服如不思飲食加白朮去蘆一錢

○一治吐血不止屬實熱者 胡雲閣傳

將軍丸

錦紋大黃酒拌九蒸九晒為末水丸如梧桐子大每服四五十丸白

滾水下，下血條於湯下。

○一論先吐血而後見痰者是陰虛也宜

清火滋陰湯

天門冬 去心 麥門冬 去心 生地黃

梔子 黃連 山藥

牡丹皮 赤芍 山茱萸 去核 澤瀉

赤茯苓 去皮 甘草

右剉水煎入童便同服。

○一論先吐痰而後見血者是積熱也宜

清肺湯

白茯苓 去皮 陳皮 當歸 生地黃 芍藥

天門冬 去心 麥門冬 去心 黃芩 山梔 紫苑

阿膠炒 桑白皮 各等 甘草 減半 烏梅 一箇

右剉一劑棗一枚水煎服。喘急加蘇子去天門冬。

○一治吐血一服立止

歸尾

赤芍

生地黃

百合

貝母

梔子炒

麥門冬

去心各二錢

蒲黃炒黑

牡丹皮各七

川芎

熟地黃

阿膠炒

梔仁

去皮尖各五分

右剉一劑生薑一片水煎服。

○一論痰中見血。

當歸一錢

白芍一錢

白朮

一錢五分

青皮五分

梔仁

去皮尖

牡丹皮

一錢五分

黃芩八分

桔梗

五分

貝母一錢

梔子

八分

甘草三分

潮熱加柴胡赤茯苓

右剉生薑二片水煎溫服

○論每言語過多即吐血一二口久有此症遇勞即作此勞傷肺氣其

血必散視之果然宜服

補中益氣湯方見內傷 依本方加麥門冬五味子山藥地黃茯苓神遠志立

效

○一論吐血每遇勞即作咳嗽有痰吐血脾肺腎三脉皆洪數宜

補中益氣湯 依本方加貝母茯苓石棗山藥麥門五味

○一男子鰥居數年素勤苦勞則吐血發熱煩燥服犀角地黃湯氣高而

喘前病益盛更遺精白濁形體倦怠飲食少思脉洪大舉按有力服十

全大補加麥門五味山藥山茱而愈

○一儒者素勤苦吐血發瘧不知人事余以為脾胃虛損用十全大補湯

及加減八味丸而瘧愈再用歸脾湯而血止

○一童子年十四發熱吐血余謂宜補中益氣以滋化源不信用寒涼降

火愈甚始謂余曰童子未室何腎虛之有參三補氣藥為用之余述其

張先生云腎主閉藏肝主疎泄二臟俱有指火而其系上屬於心心為

君火為物所感則易於動心動則相火翕然而隨雖不交會其精亦暗

耗矣。又精血篇云：男子精未滿，而御女以通其精，則五臟有不满之處。異日有難狀之疾，遂用補中益氣湯及六味地黃丸料，加麥門、五味治之。而愈後，因勞怒，忽吐紫血塊。先用花蓋石散，又用獨參湯。漸愈後，勞則咳嗽吐血，一二十口。脾肺腎三脉皆洪，數用補中益氣六味地黃丸而全愈。

補遺

○一凡人因酒色過度，或勞役太過，或場屋勞心，內損極深，或心肺脉破，血氣妄行，血如湧泉，口鼻俱出，須臾不救。黃濱江方

側柏葉 蒸乾 棟參 去蘆各等分

右為細末，每服一錢，入飛羅麵二錢，新汲水調和如稀糊服。○一方用釜底墨研末，三錢，米飲調下，連進三服。○一方單用側柏葉陰乾水煎服，當茶吃。

○一人吐血不止，發熱面紅，胸膈脹滿，手足厥冷，煩燥不寧，用

當歸身二錢 川芎五分 官桂三錢
 右剉水煎服立効

衄血

衄血者鼻中出血也。陽熱沸鬱下於足陽明而上熱則血妄故衄也。治宜涼血行血爲主。如左孔流用線將右手中指根繫扎右孔流扎左手中指血卽止。如兩孔俱出兩指俱扎。

生地黄湯 治衄血

- 生地黄三錢 川芎一錢 桔梗一錢
 - 梔子一錢 蒲黃一錢 阿膠炒一錢 側柏葉三錢
 - 茅根三錢 甘草三分 白芍一錢 牡丹皮一錢
- 右剉一劑水煎溫服

○一治衄血秘方

人乳

童便

好酒

右三味各等分。碗盛。重湯煮。熱飲之。立止。

○一治衄血勿令患人知。以芥花水。忽然猛嗅。其面立止。

○一治鼻衄久不止。素有熱而暴作者。諸藥不效。

用大紙一張。作八摺。或十摺。於水內濕。置頂中。以熱熨斗。處至一重。

或一重紙。乾立止。

○一治鼻衄久不止。

用驢糞。焙乾為末。血餘燒灰等分。每少許吹鼻。立止。

○一治鼻衄。

用蘿蔔自然汁。和酒飲之。則止。蓋血隨氣運轉。氣有逆順。所以妄行。

蘿蔔最下氣。而消導之。一服即効。

○一治衄血不止。將頭頂髮分開。百會穴。將新汲井泉水。一匙。滴穴上。立止。

○一治鼻衄不止。

用山桅子白芷等分燒存性爲細末吹入鼻中其血立止。

○一治鼻血。

用菘豆粉細茶爲末涼水調服立止。

○一治鼻血不止。

括入中白置新瓦上焙乾以溫湯調服即旋桶內積穢垢是也。

又方用入中白一錢頭髮燒灰一錢射香一分爲細末吹鼻少許立止。

○一治鼻衄不止。

用大蒜去皮搗爛如左鼻出血貼左腳心右鼻出血貼右腳心如兩鼻出血貼兩腳心血止即以溫水洗腳心。

○一人年近五旬素稟怯弱患衄血長流五晝夜百藥不止六脉洪數無力此去血過多虛損之極以八物湯加熟附子等分又加真蒲草五

錢木煎服連進二劑其血遂止又依前方去茜草調理十數劑而痊。

○一治鼻中出血

用小兒胎髮燒灰吹之其血立止

○一治鼻血不止

大蚯蚓十數條搗爛入并花水和稀患輕澄清飲重則并渣滓稠服立愈久不復作。

○一女子因翻身往後一跌鼻血長流止後一有所感其血即出諸醫不

效○一方用水和白麩包大附子一箇在內火煨熟去附子用麩燒存性為末每服二錢白水和服永不發

八物湯方見補益

咳血

○一論咳血出於肺咳嗽痰中帶血也

清咳湯

當歸

白芍

杏仁去皮

貝母各一錢

白朮去蘆

牡丹皮

黃芩

梔子八分

青皮去穢

桔梗各五分

甘草三分

右剉丁劑水煎服。○潮熱加柴胡赤茯苓。○咳血不易治。喉不容物。噎
髮即咳血滲入喉愈滲愈咳愈咳愈滲飲溲溺百不一死服寒涼百不
一生。

○一論因嗽而去痰痰內有血者是也宜用

當歸一錢

白芍一錢

生地黄五分

貝母二錢

知母一錢

天花粉五分

白茯苓八分

桔梗一錢

麥門冬去心一錢

甘草五分

右剉丁劑水煎服

○一論咳血方

天地丸

天門冬一斤

懷生地黃

酒拌砂鍋內蒸至黑半斤

右為細末煉蜜為丸如彈子大每服三九溫酒送下日進三服

○一論咳血痰盛身熱多是血虛

用青黛研末仁訶子海石山梔為末薑汁蜜丸噙化嗽盛加杏仁後以不物湯加減調理痰盛加痰藥

咯血

○一論咯血者出於腎咯出血者是亦有痰帶血絲出者宜清咯湯

陳皮

半夏黃炒

白茯苓

知母

貝母去心

生地黃各二分

桔梗

梔子炒各七分

杏仁去皮

阿膠炒各五分

桑白皮一錢五分 甘草五分 柳桂二分

右坐生薑煎服

○一方治症同煎

白木一錢五分 當歸一錢 芍藥一錢 牡丹皮一錢五分 桂枝一分

山梔八分 桔梗七分 貝母一錢 黃芩八分 青皮五分

甘草三分

右剉水煎服。○一方無青皮黃芩。有知母黃柏麥門冬。

○一論吐血咯血。大能潤肺止咳宜此。

天門冬丸

天門冬去心 白茯苓去皮 阿膠炒 杏仁去皮尖 貝母

甘草各五錢

右為細末煉蜜為丸如芩實子大每服一丸含口中噙化下 晝夜可服

十九

嘔血

○一論先惡心而嘔出成升碗者是多因怒氣逆其所致

治方

當歸

川芎

芍藥

生地黄

山梔炒

右剉木煎臨服入薑便一盞薑汁少許同服

○一論嘔血脈大發熱喉中痛者此是氣虛宜用

黃芪

人參

黃柏

荆芥

當歸

生地黄

右剉水煎服

○一論怒氣逆甚而嘔血用

瓜蒌仁

當歸

生地黄

桔梗

通草

牡丹皮

右劉水煎服

唾血

○一論唾血者出於腎鮮血隨唾而出也。

麥門冬 去心 天門冬 去心 知母

貝母

桔梗

黃柏

熟地黄

玄參

遠志 去心

乾薑 炒減半

右劉水煎服

便血

○一論下血者太便出血也乃臟腑蘊積濕熱之毒而成或因氣鬱滯酒色過度及多食炙煇熱毒之物或風邪之胃或七情六淫所傷使血氣逆亂榮衛失度皆能令以下血此方治太便下血不問糞前糞後赤腸風下血皆治

解毒四物湯

當歸酒洗

川芎五分

白芍炒六分

生地黃一錢

黃連炒一錢

黃芩炒

八分

黃栢炒

七分

梔子炒

七分

阿膠炒

六分

側柏葉

六分

右剉一劑。水煎溫服。○腹脹加陳皮六分。○氣虛加入參三分。白朮三

分。木香三分。○腸風下血加荆芥五分。○氣下陷加升麻五分。○心血

不足加白茯苓六分。○虛寒加炒黑乾薑五分。○一方去阿膠加苦參

七分。

○一論木便下血去多。心虛四肢無力。面色痿黃宜

滋陰臟連丸

懷生地黃

懷熟地黃各四兩

山茱萸酒蒸去核

牡丹皮

澤瀉

白茯苓去皮各三兩

山藥四兩

川黃連酒炒

槐花人乳拌

大黃酒蒸九次

各三兩

右為細末裝入雄猪大臍頭內兩頭扎住糯米三升水浸透米去水將藥腸藏糯米甑內蒸一炷香時為度搗藥腸為丸如梧桐子大每服八十丸空心鹽湯下。

○一虛人太便下血用補中益氣湯加炒何膠酒炒椿根皮地榆槐花見內傷

○一下血服藏連丸等藥其血愈多形體消瘦發熱少食果急後重此脾氣下陷以補中益氣湯加炒黑乾薑立止。

○一論腸風下血者必在糞前是名近血色青而鮮其脉必湏真。人參敗毒散方見感冒依本方加黃連。

栢葉湯 治腸風下血。

側栢葉

當歸

生地黄

黃連

枳殼 炒

槐花

地榆

荆芥

川芎 各等分 甘草 減半

右剉一劑烏梅一箇生薑三片水煎空心服。

槐角丸 治腸風下血不問糞葉別糞後遠年近日皆効。

槐角子一兩 枳殼 炙炒 黃芩 酒炒 黃連 黃柏 酒浸

防風 荆芥 地榆 歸尾 酒洗 側柏葉 酒浸 各

右為細末酒糊為丸如梧桐子大每服五七十九空心米湯送下忌生

冷戒房事燒酒蒜毒等物

○一論臟毒下血必在糞後名遠血也宜

八寶湯

黃連 黃芩 黃柏 梔子 連翹

槐花 各一錢 細辛 甘草 各四分

右剉一劑水煎空心服

○一論大便下血大腸痛不可忍肛門腫起此下焦熱毒盛也宜

加味解毒湯

大黃 黃連 黃芩 黃柏 梔子

赤芍

連翹

枳殼麥炒

防風

甘草

右剉水煎空心服

○一治腸胃閉悶下血積熱臟毒

黃連四兩炒枳殼去核四兩炒

右為細末水糊為丸如梧桐子大每服七十丸茶清送下

○一論腸風臄毒便血痔瘡下血宜

槐黃丸

槐花四兩炒黃連四兩酒炒

右為細末入猪木臄內兩頭扎住入韭菜二斤水同煮爛去米用麩腸搗爛丸如梧子大如濕加些麩丸每服八十九空心米湯送下

○一論大便下血久不止者此臄崩虛寒故也面色痿黃身體羸瘦宜

斷紅丸

鹿茸去毛

大附子炮去

當歸酒洗

續斷酒浸

黃芪炒

阿膠 炒粉炒

側柏葉 炒各一兩

白礬 枯五錢

右為細末，醋煮米糊為丸。如梧桐子大，每服七十九，空心米湯送下。○丹溪云：下血久不愈者，後用濕劑，先用四物湯加炮乾薑升麻，後服斷紅丸收斂。

腸風下血，熱者其血鮮，冷者其血青黑或成塊。

○一儒者素勤苦，因飲食失節，大便下血，或赤或黯，平載之後，非便血則盜汗，非惡寒則發熱，血汗一藥用之無效。六脉浮大，心脾則瀉，此思傷心脾，不能攝血歸源，然血即汗，汗即血，其色赤黯，便血盜汗皆火之升，升微甚耳。惡寒發熱，氣血俱虛也。乃午前用補中益氣以補脾肺之源，舉下陷之氣，午後用歸脾加麥門五味以補心脾之血，以耗散之液，不兩月而諸症悉愈。

○一人素善飲酒，不時便血，或在薰前或在薰後，食少體倦，面色痿黃，此脾氣虛而不能統血，以益氣湯加吳茱萸黃連。

○一男子便血精滑發熱○一男子便血發熱○一男子發熱遺精血小
便不禁俱屬脾腎虧損用六味九益氣湯以滋化源並皆得愈

○一論下血服犀角地黃湯等藥其血愈多形體消瘦發熱少食裏急後
重此脾氣下陷以益氣湯加炮薑立效

○一治木便下血用石蓮肉四兩去殼槌碎入公猪肚內水煮熟去蓮肉
將肚并湯食之立止

○一治木便下血秘方

觀音救苦丹 馬伏所傳

木香 四兩 黃連 二兩

右將黃連切片煎汁浸木香慢火焙乾為末烏梅肉搗為丸如梧子大
每服六十九空心白滾水送下

○一患腸風下血者何也人腸皆有脂膜之厚則腸胃而安腸中本無血
血緣有風或有熱以消其脂腸遂薄滲入身中血初患者必服冷藥而

愈服之過者則腸寒而脂愈不生其血必再作凡熱者其血鮮冷者其血青黑察其冷熱用藥可也冷者用斷紅丸熱者用四物湯合黃連解毒湯加苦參槐角地榆側柏葉

腸胃流熱則糞門暴腫用蝸牛細研塗之則消

○一治臟毒下血黃連解毒湯合四物湯相停為未滴水為丸每服八九

十九空心陳米飲送下

補中益氣湯方見內傷歸脾湯方見健忘六味丸方見補益

瀉血

○一論瀉血者小便出血心移熱於小腸也宜服清腸湯

- 當歸
- 生地黄倍
- 梔子炒
- 黃連
- 芍藥
- 黃栢
- 蘆麥
- 赤茯苓
- 木通
- 扁蓄

知母

麥門冬去心各甘草減半

右劉子劑燈心烏梅水煎空心服。○瀉血莖中痛加滑石枳殼去芍藥
茯苓

金黃散 治尿血

槐花淨炒 鬱金 濕電包火煨各一兩

右為細末每服二錢淡豆豉湯調下

○一治小便下血不止

地骨皮燒酒一鍾煎至七分去渣空心服立止

○一治小便瀉血

旱蓮草車前草各取自然汁每空心服半茶鍾愈

○又方用壯年無病人頭髮不拘多少燒存性以側柏葉搗汁入糯米糊
為丸如梧子大每服百丸四物湯送下

○一治瀉血効方

小薊根

生地黄

通草

滑石

蒲黃炒

淡竹葉

當歸

藕節

山梔

甘草各六分

赤茯苓

車前子各八分

右剉一劑水煎空心服。

○一治尿後有鮮血。

用柿三枚燒灰陳米煎湯調服因柿性寒故也。

○一治尿血。

六味地黄丸加黃柏知母殊效。

○一尿血因心腎氣結所致或夢勞房室過度而得之實由精氣消竭

虛火動榮血妄行耳。尿行則不痛。尿淋血行則痛。

○一治寒熱尿血。

山梔子去皮炒水煎服。

○一治小便出血以車前草根葉多取洗淨取汁頻服可通五淋。

惡熱

惡熱非熱明是虛症。經曰：陰虛則發熱。陽在外為陰之候，陰在內為陽之守。精神外馳，淫慾無節，陰氣耗散，陽無所附，遂致浮散於肌表之間，而惡熱也。當作陰虛火動治之。

惡寒

惡寒非寒明是熱症。亦有久服熱藥而得者。河間謂火極似水，熱甚而反覺自冷，實非寒也。有用熱藥而少愈者，卒能發散鬱熱，出高熱焉。又曰：火熱內熾，寒必盪外，故惡寒實非寒症。凡背惡寒甚者，脈浮而無力，若陽虛也。用參芪之類，加附子少許。

○一婦人六月惡寒之極，怕風，雖穿綿襖亦不覺熱。此火極似水也。亦脈洪數，小水赤少。予以皮硝五錢，溫水化服而愈。

一羅士部仲夏腹惡寒而外惡熱身及氣而腹勉今證畏風而惡寒
大而虛微每次進熱粥既許必兼食生薑既許若粥離火食腹內即
余曰熱之不熱是無火也當用六味丸壯火之源以消陰翳彼反服四
物玄參之類而致惜哉

汗症

自汗 盜汗

脉大而虛浮而濡者汗○在守為自汗在火為盜汗○傷寒脉陰陽俱
賞無汗若自汗者曰亡陽不治

自汗者無時而濺濺然出動則為甚屬陽虛胃氣之所司也盜汗者寐中
出通身如浴覺來方止屬陰虛榮血之所主也太抵自汗宜補陽調衛
盜汗宜補陰降火心虛而冷汗自出者理宜補肝益火之原以消陰翳
也陰虛火炎者法當補腎壯水之主以制陽光又有火氣上蒸胃中之
濕亦能作汗涼膈散去之凡汗出髮潤汗出如油汗綴如珠皆不治

也自汗大忌生薑以其開腠理故也

○一論自汗屬陽虛時常而出也宜用

參芪湯

黃芪 蜜炒 人參

白朮 去蘆炒 白茯苓 去皮 當歸 酒洗

熟地黃 白芍 酒炒

酸棗仁 炒 牡蠣 煅 陳皮 七分

甘草 炙二分 烏梅 一箇

右劉下劑棗下枚浮小麥一撮水煎溫服

○一論自汗虛弱之人可服

大補黃芪湯

黃芪 蜜炒 人參 白朮 去蘆炒 白茯苓 去皮 當歸 酒洗

白芍 酒炒 熟地黃 山茱萸 酒洗 肉桂 五分 肉桂 五分 甘草 炙二分 防風 七分

右劉下劑棗一枚水煎溫服

○一論盜汗屬陰虛睡中而出醒則止也此方治盜汗之聖藥也

當歸六黃湯

當歸 酒洗 黃芪 蜜炒 生地黃 熟地黃 各二錢

黃連 黃芩 各一錢

右剉一劑水煎空心服

○一論盜汗屬氣血兩虛者宜

滋陰益陽湯

當歸 酒洗 熟地黃 生地黃 白芍 酒炒 各黃柏 蜜炒

知母 蜜水炒 人參 五分 白朮 去蘆 白茯苓 去皮 黃芩 蜜炒 各

陳皮 八分 甘草 多三分

右剉一劑棗二枚浮小麥一撮水煎溫服

○一論自汗盜汗宜實腠理也男子失精女人夢交自汗盜汗宜

白龍湯

桂枝

白芍 酒炒

龍骨 煨

牡蠣 煨 絡

甘草 炙

右剉一劑，聚一枚木煎服。

四製白朮散

白朮 四兩

黃芪 炒 一兩

石斛 炒 一兩

右止用白朮為末，每服三錢，粟米湯調服。

○一論：心汗者，心孔有汗，則別處無也，宜

茯苓補心湯

白茯苓 去皮

人參

白朮 去蘆

當歸

生地黃

酸棗仁 炒

麥門冬 去心

陳皮

黃連 炒 碎

辰砂 研末 入 五分

甘草 炙 三分

右剉一劑，聚一殼烏梅一箇，浮小麥一撮，水煎服。

○一秘方：治發汗時，用公猪肚洗淨，裝入米在內，煮爛，用酒

砂鍋內水燉令爛，將肚并湯一併食之，用糯米煎飯，每用小便

心米湯調服

○一論額上常有汗出不論冬夏者得之醉後當風所致頭乃諸陽之會酒能發陽所以飲必見面漣後陽氣上升頭面之陽氣必開當風坐臥風邪入之以致頭面出汗名曰漏風宜

黃芪六一湯

黃芪六兩 甘草一兩 加肉桂白芍名黃芪建中湯

右各用蜜炙十數次出火毒每服一兩水煎服

○一論自汗不寐因內傷及一切虛損之症所得者用補中益氣湯藥酒升麻俱用蜜水炒少加製附子麻黃根浮小麥多羌肉傷

○一論腎氣虛弱盜汗發熱用六味地黃丸方見補益

○一論腎氣虛弱盜汗惡寒用八味丸方見補益

○一論氣血俱虛而盜汗者用十全大補湯方見補益

○一論方治自汗盜汗

五倍子為末津液調搽臍中須勒住一宿即止。○一方用山豆根末津液調搽臍中。

○一論頭汗邪在諸經。○有畜血亦有頭汗。○有頭汗小便不利者死。○關格不得尿有頭汗者死。○元氣下脫有頭汗如珠不流者死。○柔汗發黃者死。

鎮液丹

防風炒一兩 蘆酒

黃芪兩 蜜炙二錢

白朮去 蘆微

中桂一兩

白芍酒 炒一錢

大附子麩 製二兩

右為細末酒糊為丸如梧桐子大每服五七十粒空心酒下加酸棗仁

炒二兩

○一治脚注方

白礬五錢 乾葛五錢

右剉水煎逐日洗之五日自然無汗。

○一治盜汗

用牙猪心一箇水二碗入砂鍋內煮爛熟為度去心不用其汁
人參各二錢半入煮心汁內熬至上半碗去渣不物煎服猪心食在
不拘

○一論凡肉傷及一切虛損之症自汗不休者總用益氣湯加熟附子麻
黃根浮小麥其効捷於影響但升麻柴胡俱用蜜水炒過以製其升發
勇悍之性又欲引參芪等藥至肌表不可缺也○如左寸脈浮洪而自
汗者心火炎也本方倍參芪加麥門五味黃連各五分○如左關脈浮
弦而自汗者挾風邪也本方加桂枝芍藥若不陰虛只用桂枝可也○
左尺脈浮洪無力而自汗者水虧火熾也本方加黃芩知母各五分熟
地一錢壯水之主以制陽光○右關脈浮洪無力而自汗者只依本方
倍參芪○右尺脈洪數無力而自汗者或盜汗相火挾心火之勢而狂
伐肺金也宜當歸六黃湯

○一論自汗盜汗乃陰陽兩虛或睡或醒時常而出也益氣湯去升柴加茯苓酒芍酸棗炒牡蠣煨各一錢黃柏蜜炒知母蜜炒烏梅一箇棗一枚浮小麥一撮水煎服。

○一人四時出汗畏風不敢嘗雖炎夫必須棉衣冬天氣喘氣不相接遇夏熱熱汗渴服八物湯不效服補中益氣湯少已予以荆芥防風羌活桂枝薄荷甘草一劑而痊。

○一治自汗盜汗久不止者用侵晨採帶露桑葉為末每服三錢空心米飲調服。

新刊醫林狀元壽世德元丁集卷之四終